


Distributed by Parliamentary Monitoring Trust Zimbabwe
(www.pmtz.org/pmtzimbabwe@gmail.com/[@pmtzimbabwe@twitter](https://twitter.com/pmtzimbabwe))




CHIFWINSYO

KKATA LYAMULAWU WACHISI CHA

ZIMBABWE UCHILANGISISIGWA

(MULUMI, 2013)



TONGA

CHIFWIINSYO

KKATA LYAMULAWU WACHISI CHA ZIMBABWE UCHILANGISISIGWA

MULUMI 2013

Manjililo

I COPAC yakabamba chifwiinsyo chaKkata Lyamulawu waZimbabwe eechi mumunyaka wa2013 kuchitila kuti luundu luzibe akumvwisisiya zilembedwe akuzuminanwa muKkata Lyamulawu pati. IKkata Lyamulawu lizwide ndidamfu loko lilaamapeji aasika kumwaanda amakumi musanu aabili amapeji obile (172 pages). COPAC yakabona kakuli mbubombubo kubamba chifwiinsyo eechi kuchitila kuti zyuubile woonse muntu uutakwe chiindi chakubala Kkata Lyamulawu lizwide mpawo ajane kumvwisisiya akuziba zili mukati.

Eechi chifwiinsyo tachijisi makani woonse aali muKkata Lyamulawu lizwide pesi chilaankotomakani luzutu zyakugwasya luundu kuti lube aaluzibo lwaakubelesya kunsaluulo yalefelendamu.

Intalisyo

Intalisyo iwambuula antoomwe akuzumina kuti chiindi twakali dyaamizidwe akutalelwa mubululami, idundilizya kulipeda kwabaalumi aabanakazi bakalwana nkondo yalwaangunuko abudyaamizyi. Alimwi ntalisyo ilanga kuli lyajuunza akulipeda buumi bwakukkala munyika iilemekezya jandabanji liyakidwe akulemeka mulawu, kubeleka changuzu, kulemeka alimwi akuyandisya zyelelo angwangunuko zyabantu zyaampandamusnaka, kujatana, buvubi bwesu akuyanduula lusumpuko lwabantu boonse.

CHAANDANO 1

Bwaalo BwaMulawu (Zibeela1-7)

- Zimbabwe iyakidwe kakutobelwa bweendelezi butobela:-
- Zimbabwe ninyika iijisini kabiyo iililelede kwiinda munzila yajandabanji.
- Kkata lyamulawu eeli nguumulawo wamamanino mupati , kufumbwa mulawu, bweendelezi, tunsiyansiya amabelekelo aakazyania amulawu ooyu tazilemekwi pe;
- Mulawu ooyu uyelede kulemekwa akutobelezegwa amuntu woonse, kazijatikizya batali bantu beni, fulumende amitabi yakwe, yabasikubamba milawu, nkuta, atupanzipanzi twafulumende.
- Bulemu bwaKkata Lyamulawu ooyu, kulemekezya mulawu, zyelelo zyabantu, nkombo zyoonse atunsiyansiya tujanika muchisi, bulemu bwa buntususu, kweelana kwabantu boonse, kweelana kwabakayintu abaalumi, kulemeka nkondo yalwaangunuko;
- Kulelwa kwachisi kulomene kujatikizya:
 - kusungwaazy a kuvula kwatubunga twakweendelezegwa kwanyika twiingi;
 - kweendelezegwa kwansaluuzyo munzila iibalangala kiiluleme chiindi achiindi;
 - kutambikizyania kabotu buzuluzi nikwamana nsaluuzyo;
 - kwanzaania zibeela zyafulumende zyabuzuluzi bwafulumende, basikubumba mulawu abasimbeta
 - kulemeka luundu mbuluzulwa;
 - kusungwaazy a kujatana kwabantu aluumuno;
 - kulemeka zyelelo zyabantu babonwa kabali bache munyika;
 - kwaabana kabotu buvubi buli muchisi chesu;

- Kwaabana akuseluya manguzu afulumende domane kukasike kubantu
- Ndembela yachisi, Lwiimbo lwa chisi, Buboneke bwaFulumende antoomwe achidindo chafulumende.
- Fulumende wazibeela zitatu: Fulumende waChisi Mbuchizulwa, Fulumende Wazilikiti afulumende wamaBbooma.
- Kuzibikana zili mumulawu kwamilaka yoonse iwambulwa muchisi eeyi: Chewa, Chibarwe, chiKuwa, Kalanga, Koisan, Nambya, Ndebele, Shangani, Shona, Sign Language, ChiTonga, Tswana, Venda aXhosa.
- Kuzibisigwa kwaluundu aatala azili muKkata Lyamulawu ooyu.

CHAANDANO 2

Mpalamo Zyanyika (Zibeela8-34)

Chisi chaZimbabwe chilaampalamo zitobela zyeede kutobelwa afulumende kuti zibelesyo abuvubi kaziliwo zyakuti mpalamo eezi zichitwe:

- kusungwaazya kulelwa kwanyika kubalangala kwiinda mukunjizya babelesi bazi mulimu, kumana bulyabi, kweendelezya kabotu mabambe afulumende akwabila zipanzi zy afulumende mali yeelede mukubelesya;
- kukomezya kujatana, lumuno abukkale bulikabotu;
- kukwabilila zyelelo angwangunuko zyabantu zyaampandamunsaka;
- kusungwaazya bulyidilano bwaZimbabwe aazimwi nyika bweelede butobelela ziyandwa aachisi, kulemekwa kwamilawu yamanyika woonse, kukkazyania abukkale bwamanyika mbaazulwa, akumana kutamwanana kwamanyika munzila zitanjizyi luzyokola ankondo;
- kusimatizya lusumpuko lwachisi kutegwa luundu lusumpuke akujania mibekeko;
- kusungwaazya kuvula kwazyakulya, tunsiyansiya azezyo bantu nzibakomezya, kweelanisya baalumi aabanakazi, akwaabana zyuuno kweelene mumasena woonse;
- kusungwaazya kujanika kwachakulya, tunsiyansiya twabantu, kweelanisigwa kwabaalumi abanakazi antoomwe akunjizya bantu kakuya aakusiyana nkubazwa munyika;
- kukomezya ziyandwa azipamba, bachikula, bachembaala, balemene, bakalwana nkondo yalwaangunuko, babelesi, myuunzi azyalukwatana;

- kujanyisa bana boonse lwiiyo lwakutalika lutabdalilwi pe;
- kupa ziyusilo, busanambi buzwide, lugwasyo lwabaabo balimuma penzi, kwiimikililwa munkuta, zyamisobaano amasena aakulisangalizya;
- kukwabilila akubamba luzibo lwamomuno;
- kuyobola mumilawu yesu zizuminano Zimbabwe.nziyakachita aamwi manyika

CHAANDANO 3

Bunanyika (Zibeela35-43)

- Bunanyika bwamuZimbabwe bujanwa kwiinda kuzyalilwa muZimbabwe, buzukululu naakuti kulembesya kuba munaZimbabwe.
- Boonse banaZimbabwe balacheelelo cha;
 - kukwabilwa afulumende
 - kujana mapasipoti azimwi ngwalo zyakweenzya;
 - kujana ngwalo zyakuzyaligwa azimwi zitupa zipegwa afulumende.
- Bana Zimbabwe kwiinda mukuzyaligwa mbantu :
 - bakazyalilwa muZimbabwe nkabelo banyina naakuti wisi kali muna Zimbabwe, na banyinakulu/syanyinakulu kali wakali munaZimbabwe aakuzyaligwa naakuti buzukulu;
 - na bazyalilwa aanze kwanyika wumwi wabazali kali munaZimbabwe nkabela kakkede muZimbabwe pesi kabelekela fulumende waZimbabwe naakuti inkamu yamanyika aanze kwanyika;
 - na bajanika kabali muZimbabwe balamyaaka iitasiki kkumi amusanu nkabela bazali babo kabatazibikene pe kuti bazwa kuli;
 - ba kazyalilwa muZimbabwe eeli Kkata Lyamulawu kalitana beleka pe nkabela umwi wabazali babo kali muna chisi chamanyika *aamu Southern Africa Development Community (SADC)* nkabela kali wakakkede muZimbabwe;
- BanaZimbabwe kwiinda mubuzukulu mbaabo bakazyalilwa aanze kwanyika nkabela manyina na mawisi kabali mbanazimbabwe kuzwa mukuzyalwa, naakuti mubuzukulu,

naamukutegwa basyayinakulu bakali banaZimbabwe mukuzyalwa naabuzukulu nkabela kuzyalwa kwabo kakuli kwakazibisigwa mu Zimbabwe.

- Bajana bunanyika kwiinda mukulembesya mbaabo banga bakakumbila kuti bajane bunanyika kwiinda mukulembesya aalimwi bakapegwa bunanyika bwaZimbabwe mukulembesya.
- Kuba aabunanyika bubili kumuntu ulaabunanyika bwamuZimbabwe kwiinda mukuzyalwa kulazumininwa.
- Mulawu ulakonzya kukasya bamwi bantu kuti bajane bunanyika bubili kuti kabalabunanyika bwamuZimbabwe kwiinda mubuzukululu aakulembesya.
- Bunanyika bwaZimbabwe kwiinda mukuzyaligwa bulakonzya kugwisigwa kuti kabuli bwakajanwa munzila italuleme, kakuli kwakasiswa bumwi bukamboni chiindi chakubujana.
- Bunanyika bwaZimbabwe mukulembesya bulakonzya kumwayigwa na bwakajanwa munzila italuleme, kubeja, kusiikizya naakuti kutegwa muchiindi chankondo ooyo muntu wakapanga bujwanyina abasinkondoma bakali kulwana aZimbabwe.
- Bunanyika bwaZimbabwe tabukonzyi kumwayigwa pe kuti muntu kali ulasyaala katachikwe nkwalabunanyika naatolelwa bunaZimbabwe.
- Inkamu Yabunyika Akuswaya kwabantu (Citizenship and Immigration Board) yeelede kubambwa kutegwa kiyendelezya makani aabunanyika angwalo zyakuswaya.

CHAANDANO 4

Zyeelelo Zyabantu (Zibeele44-87)

Chibaka 1

Makani Zwawo

Woonse muntu afulumende beelede kulemeka zyeelelo zyantutu.

Chibaka 2

Zyeelelo angwangunuko

- Zyeelelo angwangunuko zyantutu nzeezi:
- Woonse muntu ulacheelelo chakupona, pesi:

- mulawu ulakonzya kuzumizya kujeegwa kwamuntu wajeya muntu achaali;
- mwanakazi, muntu ulaaminyaka ilaansi kwamakumi aabili awumwi amuntu ulaaminyaka iyyinda makumi musanu aabili tabeelede pe kutongelwa kufwa;
- zyelelo zyamwana uulimwida zilalemekwa muZimbabwe. Kugwisya bula mulandu;
- Woonse muntu ulacheelelo chakwaangunuka akulyiiba alimwi takonzyi;
 - kukkazikwa muchitookesi katabetekedwe naakuti kunyanzigwa kwaangunuka kwakwe katakwe makanze
 - kujalilwa muntolongo nkaambo kakukachilwa kuzuzikizya chizuminano.
- Bantu baangwa akujalilwa beelede;
 - kuzibisigwa eezyo zyapa kuti basungwe naakuti zyachita kuti ajalilwe muntolongo;
 - kuzumizigwa kuti bazibisye nzubo zyabo naakuti basimulawu alimwi fulumende weelede wazyeeendeleya eezi.
 - kujana lugwasyo kuli basimulawu naakuti basilisi mubusena busisikene;
 - kujatwa kabotu;
 - kugwisigwa muntolongo kakuli/katakwe tulawu lawu pe nikuchilinda lubeta;
 - kubetekwa ankuta yamulawu mukati kamazuba aabili;
 - kuya kunkuta lwabo kukulisakwida aatala anzila njibakaangwayo naakuti kujalilwa;
 - kuba acheelelo chakuumuna/kutasandula mibuzyo alimwi akuzibisigwa kuti balachelelo eechi;
 - kutaangilwa kuti bazumine mulandu;
 - kubaacheelelo chakwiizya akuswayigwa ambibakwetene aabo, nzubo abasikulaya mbibalisalila kufumbwa ni;
 - babetekwa muchiindi cheelede. Kuti teekwachitwa boobo kweelede balekezegwa munzila iitobeleya tulawulawu naakuti iitakwe tulawulawu.
- Woonse muntu ulacheelelo chakukumbila Nkuta Yaajulu kuti ajane bugwisigwa muchitookesi kuti takaangwa zili mumulawu, naakuti kakutazibikene kuti usisidwe kuli nakaangwa.

- Muntu waangwa aakujalilwa zitali mumulawu uleelede kubbadalwa ayooyo muntu wamwaanzya zitali mumulawu.
- Woonse muntu ulabulemu alimwi ulacheelelo chakuti bulemu bwakwe bulemekwe.
- Woonse muntu ulacheelelo chakutasonsegwa alimwi akulisalila zyeendelene aakuzyala akutasobanisigwa abasyabusongo songo
- Taakwe muntu uyeelede kujatwa buzike naakuti kwaangilwa kubeleka mulimu ngwatayandi.
- Boonse bantu baleelene kunembo lyamulawu kabiyo woonse muntu ulacheelelo chakutajatwa munzila yalusaluulo.
- Woonse muntu ulaacheelelo chakwaangunuka akulyiiba:
 - mun'anda na mubusena bwakwe, alimwi takonzyi kukolonganisigwa zitali mumulawu;
 - lubono lwakwe talukonzyi kubwezegwa katayandi;
 - cheelelo chakwaambuzyania tacheelede kukolonganisigwa;
 - busanambi bwamubili wakwe tabweelede kubbongononwa katayandi;
- Woonse muntu ulacheelelo chakujatana akubungana abeenzinyina kabiyo taangilwi pe:
 - kubungana abaabo mbatayandi kubunganaabo, naakuti
 - kunjila muswaangano naakuti bbungano.
- Woonse muntu ulacheelelo chakuliyeyela nzyaayanda nkabela taakwe muntu uuwangilwa kukonka kabelesya nkomyo njatayandi.
- Woonse muntu ulacheelelo chakwaambuula mbayanda chijatikizya:
 - ngwanguko yakusala nzila yakumwaya milumbe yakwe;
 - kukwabililwa kwabaabo bapa twaambo kuli basimutola twaambo.
 - kubamba ziyobola twaambo zili mumulawu

Pesi cheelelo eechi tachaambi kuti muntu ulambuula zyakusungwaazyana kulwana, kutayandana, kuchisa bamwi, naakuti kutalemeka bamwi naakuti kutalemeka nsiswa zyabamwi.

- Woonse munaZimbabwe naakuti uukkede muZimbabwe uleelede kujana twaambo tubambidwe aafulumende nikuba umwi mutabi wakwe aawo twaambo ooto mputuyandikana kuchitila kulemekka luundu akweendelezya kubalangala.
- Woonse muntu uleelede kujana makani naakuti twaambo tujiswi aawumwi kuti katuyandikana mukukwabilila zyelelo.
- Woonse muntu ulacheelelo chakubelesya mulaka ngwayanda akubotelwa muntunsiyansiya ntwasala.
- Muntu woonse ulacheelelo chakulisalila mubeleko ngwayanda kubeleka mubuumi bwakwe kufumbwa kazili mumulawu.
- Muntu woonse ulacheelelo chakujatwa kabotu kumibeleko antoomwe akubbadalwa mufolo uuyendelana amulimu ngwabeleka.
- Kusiya basikukwabilila nyika, muntu woonse ulacheelelo chakubumba naakuti kunjila mutubunga tweendelezya mabelekelo aabantu, kusungwaazy a zyelelo zyababesi.
- Baalumi abanakazi beelede kujana mpindu iikozyania mumubeleko iikozyania.
- MunaZimbabwe woonse ulacheelelo chakulyeendelela, kuswaya muZimbabwe, alubo taakwe neelede kwaandwa pe kuzwa muZimbabwe, kujana ngwalo zyakweenzya, nkabela muntu woonse ulacheelelo chaku lyeendelela muZimbabwe yoonse, kuyaka naakuti kukkala kufumbwa mpayanda, akuswaya aamwi manyika.
- Woonse munaZimbabwe ulacheelelo cha:
 - Kunjila munsaluuzyo iiwangunukide iiluleme nkabela ichitwa chiindi achiindi;
 - kusala kalyibiide mizeezo yakuzulwidwa kwachisi
 - kunjila kabunga kazyanyika nkayanda;
 - kukombelezya luundu kaangunukide kuti lusale kabunga kakwe;
 - kunjila munsaluuzyo zyoonse;
 - kusalilwa kufumbwa chuuno nchayanda muntu;
- Woonse muntu ulacheelelo chakujatwa kabotu amitabi yafulumende
- Woonse muntu ulacheelelo chakubetekwa aankuta, kubetekwa kabotu, lubeta lufwambaana munzila ilaantanganana munkuta naakuti babetsi batakwe bbazu ndibasendekelede, ankuta zili mumulawu, naakuti kabalaalubono, kuliyandwida akwiimikililwa aabasimulawu.

- Woonse muntu watamizigwa mulandu ulaacheelelo:
 - chakutegwa taakwe mulandu pe mane abetekwe akujanikwa klaamulandu
 - kufwambaana kubuzigwa mulandu wakwe
 - kupegwa chiindi cheelede kuti alibambile kuyoonjila mulubeta
 - kulisalila akulibbadalila simulawu wakumugwasya mulubeta lwakwe.
 - kugwasigwa asimulawu uubadalwa afulumende kuti lwakwe katakwe lubono lwakubbadala;
 - chakubetekwa kaliwo munkuta;
 - kweeta bakamboni bakwe akukazya bakamboni bambi naakuti kuumuna zwakwe munkuta;
 - kutolekelwa bweendezezi bwalubeta mumulaka ngwamvwisisya
 - kubetekwa ankuta yaajulu naakuti taabotelwa akubetekwa kwakwe ankuta yaansi.
- Woonse muntu ulacheelelo chakujana, kuuzya kufumbwa lubono pesi kuuli mulawu uuyendezezya myuunda.
- Aanze kwanyika yakulima, taakwe muntu uuyelede kunyiigwa lubono lwakwe katayandi antela:
 - wanyiigwa zili mumulawu uujata luundu loonse;
 - wanyiigwa akaambo kamakani mapati alangeene azyeelelo zya luundu, kukwabililwa abukkale bwaluundu kaziya mbuboobo;
 - mulawu uwamba uupa mweenya kuti aabo basikunyeya lubono bape mweenya wakubbadala lubono lunooli lwatolegwa, luliyo luzulide;
 - mulawu kuti mutabi wafulumende wabweza lubono oolo ulasanguna wapegwa lugwalo naakubwezwa kwalubono teekwazuminanwa amwini walubono oolo, kutegwa kubwezwa ooku kuli mumulawu na, alimwi kuti kweelede kubbadalwa maliinzi.

Woonse muntu ulacheelelo chakujana lubono kazijatikizya amyuunda. Fulumende ulakonzya kubikka kumbali naakuti kubamba nyika

- yakukkazika bantu bayanda kulima;

- yakubelesya aamwi mabambe;
- kulonzya luundu;

Nkabela:

- katakwe luliyo pe kuleka biyo kubbadala ziyako, pesi kuti busena bwatolwa kabuli bwamuna Zimbabwe naakuti nyika ikwabilidwe a milawu yamanyika, luliyo luzwide lulapegwa muntu;
 - taakwe muntu uukonzya kukazyania akubwezwa kwanyika yakulima pesi ulakazyania aaluliyo biyo;
 - kubwezwa kwabusena takukonzyi kukazigwa aatala aakuti bulasalula.
- Nyika yakulima yakabwezwa afulumende chiindi chakwaaba myuunda na yakategwa izoobwezwa mulawu ooyu kuutana beleka njya fulumende alimwi taakwe luliyo lubbadalwa kuleka biyo mayake alanyika eeyo zyakayakwa kiitana bwezwa pe.
 - Akubwezwa kwa nyika yakukkazika luundu makani mapati ngaayaya aakuti, luundu lwa Zimbabwe lwakali kudyamizigwa aabiyo aakunyeegwa nyika yaabo, nkabela bunji bwakalwana nkondo nyika yabo yalwaangunuko, nkinkaako bana Zimbabwe balaacheelelo chakubweza nyika yabo.
 - Fulumende wachiindi wabudyaamizyi ngulaamulandu wakubbadala aabo banooli bakanyiigwa myuunda kutegwa luundu lujane busena bwakukkala.
 - Muntu woonse ulacheelelo;
 - chakukkala mubusena bulabusanambi.
 - chakukwabililwa kwabusena kuchitila mazyalane aasunu aajuunza.
 - Muna Zimbabwe woonse abaabo bayakide munyika balacheelelo chakwiiya kababbadalilwa afulumende;
 - Boonse bantu balacheelelo chakujula zikolo zyabo zili kabotu alimwi zitakwe budyaamizyi pe;
 - Muna Zimbabwe woonse ulacheelelo chakujana kusilikwa;
 - Taakwe muntu pe uukasigwa kujana lugwasyo lwakusilikwa nikwavundumuka malwazi ayanda kusilikwa kufwambaana nikuba kuli chili chibbadela amakkilinka woonse.
 - Muntu woonse ulacheelelo chakujana maanzi aakunywa mabotu akujana kulya kuzulide.

- Muntu woonse ulaminyaka kkumi amusanu ayitatu (18) ulacheelelo chakuyaka muunzi kwiinda mukukwatana. Taakwe muntu pe uuwangilwa kukwatana aamuntu ngwatayandi.
- Bantu baalumi luzutu naakuti banakazi luzutu tabazuminwi pe kukwatana.

Chibaka 3

Zyeelelo ziimbi

- Baalumi abanakazi balazyeelelo zyeelene antoomwe amyeenya yeelene mubuuni boonse kujatikizya mubukkale, ziyakuzulwida chisi alimwi a mulizyamilimu.
- Banakazi abaalumi balazyeelelo zyeelene ziyakubamba a kweendelezya zyelelo ziyabana babo
- Yoonse milawu, tunsiya nsiya amakkalilo abantu adyaamizya zyelelo ziyabakayintu taalemekezegwi pe.

Woonse mwana ulazyeelelo zitobela;

- kulemekwa kunembo aamulawu alimwi akuswilizigwa;
- kupegwa zina amutupo;
- kupegwa lugwalo lwakuzyaligwa chakufwambaana;
- kukkala mumuunzi akulelwa aabazyali;
- kukwabililwa kuzwa kubuzike bwabusangu.
- kutanjizigwa mukulwana nkondo
- kutaangilwa kunjila mbugano ziyakweendelezegwa kwanyika
- kutaangwa na kunjizigwa muntolongo antela zyoonse ziyakachila
- Bakachembaala, abaabo bakakomena kusika myaaka makumi musanu aabili balazyeelelo zya;
 - kulelwa aakugwasigwa nzubo ziyabo afulumende;
 - kujana lugwasyo lwamali kuzwa kumutabi wafulumende wa lugwasyo;
- Bantu bakalemana beelede;

- kugwasigwa kuti balyimikilile
 - kugwasigwa kuti bakkale ampuli zyabo akujana misobaano akulisangalizya.
 - kukwabililwa kuzwa mukujatwa chabuzike
 - bajane mweenya wakusilikwa kumalwazi oonse.
- Bantu bakalwana nkondo yalwaangunuko, aabo bakagwasizya munkondo eeyi abaabo bakaangwa muchiindi eechi beelede kulemekwa akupegwa lugwasyo abusanambi buzwide.

Chibaka 4 a 5

Kulemekwa akweendelezegwa kwazyo zyelelo

- Kufumbwa muntu, kalaalikke naakuti kayimikilila kabunga kabantu, ulakonzya kuman'ala kunkuta kuti kakuli zyelelo angwangunuko zyakwe zyanonganisigwa
- Zyelelo angwangunuko zyabantu zyelede kuzuzikizigwa kwiinda mukulemekezya zyelelo angwangunuko zyabamwi bantu.
- Zyelelo angwangunuko zyabantu zilakonzya kuyaamizigwa buniini muli zimwi zyiindi munzila iiwambuulika muchisi chanjandabanji.
- Taakwe mulawu ukonzya kuyaamizya
 - cheelelo chabuumi aanze kwazili mumulawu;
 - cheelelo chakuba aabulemu;
 - cheelelo chakutasonsegwa;
 - cheelelo chakutajatwa buzike;
 - cheelelo chakubetekwa kabotu munzila iibalangele
 - cheelelo chakuman'ala kunkuta kutegwa muntu uuwangidwe azibikane mpabede.
- Muchiindi chalupyopyongano zyelelo zyabantu, kusiyaezyo zyambwa ajulu, zilakonzya kuyaamizigwa naakuti kutalemekwa kwiinda mumulawu.

- Kudyaamizigwa kwazyelelo muchiindi chalupyopyongano kulabetekwa nkabela taakwe mulawu pe ukoonzwa kuvuna aabo banooli badyaamizwa zyelelo eezo.

CHAANDANO 5

Basilutwe (Zibeela88-115)

Chibaka 1

Manguzi abasilutwe ba Fulumende

- Inguzi zya basilutwe bafulumende zizwa kuluundu lwaZimbabwe nkabela zyelede kubelesega kwiinda muKkata Lyamulawu ooyu
- Inguzi zya basilutwe ba Fulumende zipedwe Muzulwidi Wanyika ankamu yabapati bamitabi yafulumende nkabela kazipandululwa kwiinda muKkata Lyamulawu ooyu.

Chibaka 2

Muzulwidi Wanyika

Muzulwidi Wanyika nguuzulwida fulumende kabiyu ngunguwe Duundumuntule wabasilumamba.

Muzulwidi Wanyika kwelede;

- kulemeka kukwabilila akutobeziya Kkata Lyamulawu amilawu yoonse.
 - kusungwaazwa kujatana aluumuno munyika
 - kusimatizwa aakulemeka mizeezo yankondo yalwaangunuko
 - kubona kuti zyelelo angwaangunuko zya bantu zya ampandamunsaka, amilawu yachisi zya alemekwa
 - kulemekeza busiyane bwamisiyobo yabantu bamuZimbabwe.
- Kuti muntu akonzwe kunjila munsaluuziyo zyakuba Muzulwidi Wanyika naakuti kuba mutobezi waMuzulwidi Wanyika welede kuba munaZimbabwe ulaaminyaka kuzwida makumi aane kaziyana nembu, kakkala muZimbabwe kabiyu kalembesezwe kuvota.
 - Muntu woonse uyanda kuvotelwa kuti abe Muzulwidi Wanyika welede kusala bantu babili batabe baabo batobela Muzulwidi Wanyika. Kusala kwaMuzulwidi Wanyika ababo bamutobela kwelede kwachitwa chiindi chimwi kunsaluuziyo zya nyika yoonse.

- Kufumbwa sikuvotelwa watakondwa azyazwa munsaluuzyo zyaMuzulwidi Wanyika naakuti batobela Muzilwidi Wanyika ulakonzya kukazyania kwiindila mukulemba lugwalo luya kuNkuta Yazyamulawu. Nkuta Yazyamulawo yeelede kumaninsya kubeteka kunyontooka ooku mukati kachiindi chitayindi mviki zibili kuzwa buzuba makani naapegwa nkuta eeyi.
- Muzulwidi Wanyika ukonzya kukkala aachuuno eechi tubili luzutu, mweenya uumwi kuujisi minyaka musanu.
- Muzulwidi Wanyika naakuti uumutobela ulakonzya kugwisigwa aachuuno.
- Muzulwidi Wanyika naakuti uumutobela ulakonzya kugwisigwa aachuuno kuti;
 - wasunda mulandu mupati loko.
 - wakachilwa kulemeka , kusumpula akukwabilila Kkata Lyamulawu.
 - wanyonyongania Kkata lyamulawu achaali.
 - wakachilwa kubeleka mulimu wakwe nkaambo kaku chiswa naakuti kusondoka.
- Muzulwidi Wanyika teeleda pe kutolwa kunkuta kuti kachili aachuuno. Pesi ulakonzya kubetekwa naasiya chuuno chabuzulwidi. Milandu njanooli wakasunda kalimuchuuno, takonzyi kwangwa pe kuti takachita achaali.
- Kuti Muzulwidi Wanyika wafwa, wasiya chuuno naakuti waandwa mulimu uumutobela wakutaanguna ulatola chuuno kusikila kukabe nsaluuzyo zyawumbi Muzulwidi Wanyika.

Chibaka 3

Bapati Bamitabi ya Fulumende Abatobezezi Akabunga Kabo.

- Muzulwidi Wanyika kalanga bwiime bwachisi akweelana kwabanakazi aabalumi ulapa milimu kubapati bamitabi yafulumende aabatobeli babo kuzwa kuli baabo bali muPalyamenti. Ulakonzya kujana bapati bamitabi aaba basika kumusano batazwi muPalyamenti pe pesi kabali bantu balaabusongo aluzibo luyandikana.
- Kabunga ka Fulumende nkikajisi mulimu wakweendelezya mabelekelo a fulumende, mupalyamenti, kubamba matalikilo aamilawu yanyika akupa busongo kuMuzulwidi wanyika.

Chibaka 5

Simulawu Mupati

- Mupati wabaSimulawu ngunguwe uupa nchenjezyo kumitabi yoonse yafulumende antoomwe aMupati Wanyika aatala azyamilawu munyika.
- Kusosela milandu munkuta waba mulimu waNkamu yaNational Prosecuting Authority ilamupati wayo Mupati wabasikusosela milandu (*Prosecutor General*)

CHAANDANO 6

Basikupangwa Milawu

Chibaka 1

Manguzu Akupanga Milawu

- Basikubumba milawu bajatanisya Palyamenti antoomwe aMuzulwidi Wanyika.
- Manguzu aabasikubumba milawu azwa kuluundu aboobo;
 - apa manguzu kubasikupangwa milawu kubambulula Kkata lyamilawu eeli
 - apa manguzu akupanga milawu iiyeta luumuno, bukkale akulelwa kwanyika
 - apa manguzu akupanga tulawulawu tumwi

Chibaka 2

Palyamenti

- Palyamenti
 - ijatikizya n'anda yaansi yakubumba milawu (*National Assembly*) antoomwe an'anda yaajulu yakubumba milawu (*Senate*)
 - Iyelede kukwabilila Kkata Lyamilawu akusumpula fulumende wajandabanji
 - Ilaanguzu zyakwaangila boonse kuti batobelezye Kkata Lyamilawu ooyu
- Mitabi yoonse yafulumende iyelede kusuma mabelekelo aazyo ku Palyamenti

Chibaka 3

N’anda Yakubumbamulawu Yaajulu (Senate)

- ISenate ilaabantu basika makumi musanu aatatu (80) bayimvwi boobu;
 - musanu awumwi (6) bavotelwa kuzilikiti kaziya aabuvule bwabantu;
 - kkumi amusanu awumwi (16) mbasimwaami bavotelwa kuKkansili Yabaami Yakuzilikiti aanze kwa madolopo mapati Bulawayo aHarare.
 - babili Mupati amutobeli wamupati waKkansili Yabaami banyika Mbiizulwa
 - babili bakavotelwa kwimikilila balemane.
- BaSenator bavotelwa achiindi chansaluzyo mpati kakulangwa kuti muchilikiti nziizili mbunga zyamakani aachisi, alimwi banakazi aabalumi kabalembedwe awumwi katobelwa awumwi, nkabela ngwalo eezi kazisanguna kulemba bakayintu.
- Senator kweelede kalembesezye kuvota, kali amyaaka makumi aane, nanga simwami uyelede kuti welwakwe mwaami, nakayimikilide bakalemana, alakwe uyelede kuti wakalemana.
- Muntu takonzyi pe kuba Senator kuti katalembesezye kuvota, naakuti waka gwisigwa achuuno mumyaaka musanu yiinda nkaambo kamilandu, nakali mu National Assembly.
- Mupati waSenate amutobeli wakwe mbibeendelezya Senate.

Chibaka 4

N’anda Yaansi Yakubumba Mulawu (National Assembly)

- National Assembly iyimvwi boobu;
 - ila bantu basika myaanda iibili akkumi (210) bakasalwa kuzwa kumasena ali myaanda iibili akkumi muZimbabwe.
 - kumaPalyamenti aabili aatazootobe kuzwa chiindi Kkata Lyamulawu eeli lyazoobeleka, kuzooyungizigwa banakazi muPalyamenti basika kumakumi musanu alimwi (60). Mukati kabanakazi aaba, chimwi chilikiti chinoosanga bali musanu awumwi. Aba banakazi banosalwa kakulangisigwa kuvula kwabantu abaabo batubunga twazyanyika banooli bayanda kusalwa muzilikiti (*proportional representation*).

- Bantu bayanda kuvotelwa mu*National Assembly* beelede kuzuzikizya eezyo zilangwa kuli baabo bayanda kunjila mu *Senate* kuleka biyo kuti myaaka yaabo njinooli makumi aabili awumwi (21).
- Mupati wa*National Assembly* amutobeli wakwe mbibeendelezya *National Assembly*.

Chibaka 5

Bulamfu bwa basimulawu bali mu National Assembly

Nzila basimulawu ba *National Assembly* nzibasiya aayo milimu zililembedwe mubulamfu muKkata Lyumulawu zijatikizya kunjila iimbi mbunga, kusiya chuuno eechi achali, alimwi akujanwa aamulandu naakuti kutatobezezya milawu yakuvota.

Chibaka 6

Manguzu aaPalyamenti

- Palyamenti ila cheelelo chakupangwa, kulanga naakuti kukaka mulawu.
- Manguzu aPalyamenti aali mukupangwa milawu
- Bweendelezi bwaku bambwa kwamilawu bulilembedwe muMabambe aBweendelezi bwachisanu (*Fifth Schedule*)
- Palyamenti ilaamanguzu akuba cheelelo chakupanga tulawulawu.

Chibaka 7

Mabelekelo aaPalyamenti

- Mupati Palyamenti mupati nguSicuuuno waPalyamenti, ooyo Muzulwidi WaSeneti.
- Mulembi Mupati waPalyamenti (*Clerk*) ngu mupati wabweendelezi bwa Palyamenti alimwi ukonzya kubeleka kwazibela zibili chimwi kachili myaaka musanu awumwi.

Chibaka 8

Bulamfu achiindi chakubeleka chaPalyamenti

- Palyamenti ivotelwa kwa myaaka ili musanu mpoona ilamwayika chazulila chiindi eechi kakutana sika chiindi chakuvota lubo.
- Palyamenti ilamanguzu akulimwaya, mpoona muzulwidi wanyika uleelede kwimwaya.

- na Palyamenti yakaka kuzumizya mulawu uyendelezya mali zyamayabwe, muzulwidi wanyika ulakonzya kwimwaya, pesi fumbwa sikubamba mulawu ulakonzya kukazyania anzizyo munkuta mpati.
- katakwe zikachizya, muzulwidi wanyika weelede kwaanza mazuba aakuvota mukati ka mazuba ali makumi aatatu kachitana sika chiindi chakumwayika kwaPalyamenti.
- Zimwi nsaluulo zizwa kukumwayika kwaPalyamenti zyeedelede kuchitwa mumazuba aali makumi musanu aane kuzwa buunsi bwakumwayika.
- Muzulwidi waNyika weelede kugontania mutwe abankamu ilanga nsaluulo katanaanza zuba lyakuvota.
- Palyamenti iyelede katalika mulimu mumazuba ali makumi musanu aane kuzwa buzuba muzulwidi wanyika naanjila mulimu.
- Ayimwi mbunga yaPalyamenti ilalyaanzila mabelekelo aayo, pesi muzulwidi wanyika ulakonzya kwiita Palyamenti kumulimu kuti izoyendelezya yimwi milimu, alimwi takweelede kuti kwiinda mazuba alimwanda amakumi musanu aatatu Palyamenti kitali aamulimu.
- Abo beendelezya aba simulawu ba Palyamenti balaangunukide kwaambuula nzibayeeya alimwi taakwe nibakonzya kutolegwa kunkuta peepe nkaambo kazyambo zyabo zyamu Palyamenti.
- Luundu lula konzya kukumbila Palyamenti kuti ichite zimwi zintu.

CHAANDANO 7

Nsaluuzyo (Zibeela155-161)

Chibaka 1

Bweendelezi Bwansaluuzyo abumwi bulingo lingo

- Nsaluuzyo zyeedelede kweendelezegwa muluumuno, amukwaangunuka, munsiswa woonse muntu mupati kakonzya kusaluuula ngwayanda kabiyu kakutakwe kulwana.
- INkamu Yansaluuzyo iyelede kubona kuti;
 - nsaluuzyo ililuleme, tikwe kubbidilana pe alimwi ilabalangala
 - eezyo zyazwa munsaluuzyo ama lefelandamu zilazibisigwa kufwambaana kuzwa kumana kuvota

- taakwe kulwana azimwi zibisa nsaluulo
 - eezyo zibelesewa munsaluuzyo zibambidwe kabotu
 - fulumende, kwiinda mukubamba milawu azimwi ntaamo uyelede kubona kuti;
 - boonse bananyika beelede kuvota bakalembesya kuvota
 - woose muntu ukonzya kuvota ulajana mweenya wakuvota
 - tubunga twazyanyika abatwimikilila balamweenya wakujana zibelesyo atwaambo tuchita kuti babeleke kabotu.
 - tubunga twazyanyika ababo batweendelezya bala mweenya uuyelene wakubelesya basimusunza twaambo bafulumende na bateensi bafulumende
 - kutamvwanana kuzwa aakuvota kweendelezegwa kabotu akufwambaana
- Milawu iyendelezya nsaluuzyo iyelede kuba azezi;
- kwanza mabooma chiindi achiindi
 - kulemba bantu kuti bavote
 - milawu iyendelezeye tubunga twazyanyika abaabo bayanda kuvotelwa
 - nzila yakwimikilila luundu iyelede muPalyamenti
 - kuvotelwa kwabakalemana muSenate
 - kusala aabo bayanda kuvotelwa mviki zibili nsaluuzyo kitana chitwa pe
- Taakwe mulawu uyendelezya nsaluulo ukonzya kubmbululwa pe kazita zuminwi aNkamu Yansaluuzyo

Chibaka 2

Chiindi cha Nsaluuzyo

- Nsaluuzyo zyelede kuchitwa
- mukati kamazuba atiindi makumi aatatu Palyamenti kiitana tatuulwa, na
 - mazuba ali makumi musanu aane kuzwa kumwayigwa kwa Palyamenti, na
 - muma zuba makumi musanu aane kwayinda jwi lyakutasyoma fulumende

- Kusala Muzulwidi Wanyika, Basikupanga Milawu amaKkansela kweelede kwachitilwa antoomwe.
- Kusalwa kwazimanga zyabasimulawu amakkansila basiya zyuuno kweelede kuchitwa mukati kamazuba aalimakumi musanu aane kuzwa chiindi nikwaba chimanga, kuleka biyo kuti chimanga chasika mukati kamyeezi musanu aayine kuya ku nsaluuzyo zitobela.
- Zyoonse zyuuno zivotelwa zili mu Kkata Lyamulawu zyeede kukkalwa mumazuba makumi musanu aane.

Chibaka 3

Kweengwa kwamigaano ya masena ansaluuzyo

- Akubambilila nsaluuzyo zyaba sikubamba milawu mu Palyamenti, iNkamu Yansaluuzyo iyelede yanenga nenga Zimbabwe muzibaka myaanda iibili, pesi ansaluuzyo yamaKkansela kweelede ku bamba maWaadi, zyoonse eezi kazichitwa kwiindila mu Kkata Lyamulawu.
- Masena akusalila basikubumba milawu ayelede kweengwa lubo nikwiinda minyaka kkumi kakuzwa kubalwa bantu boonse muchisi.
- Kweengwa kwamasena kwamana mummyeezi musanu awumwi kakuyinkwa kukuvota teenkuko pe kubeleka ansaluuzyo eeyo.
- Lugwalo lwaamba kweengulwa ooku kweelede kulangwa aPalyamenti kuzwa kumuzulwidi wanyika ambunga ya nsaluuzyo kalutana lembwa kakumaninina.
- Nilwazwa kulangwa lugwalo oolu kweelede muzulwidi wanyika walemba kweengwa kwamigaanu kwamasena mumazuba aalikkumi aane.

CHAANDANO 8

Babetsi aNkuta (Zibeela162-193)

Chibaka 1

Kweendelezegwa KwaNkuta

- Manguzu aababetsi bankuta azwa kuluundu lwaZimbabwe mpawo abikkidwe munkuta kazili nzeezi:- Nkuta Yazyamilawu (Constitutional Court), Nkuta Yakumamanino (Supreme Court), Nkuta Yaajulu (High Court), Nkuta Yamblekelano (Labour Court), Nkuta Yanjendelezyo (Administrative Court) Nkuta Yachikunguzyo (Magistrates Court), iNkuta Zyabaami (Customary Law Courts) azimwi nkuta zilengwa amilawu yaPalyamenti.

- Bubetesi bwankuta munyika bujiswi abaaba bantu:- Duundumuntule Wababetsi (Chief Justice), Sikutobela Duundumuntule Wababetsi, Silutwe Wababetsi benkuta (Judge President) ababetsi biyo.
- Duundumuntule Wababetsi nguumupati wababetsi ankuta zyoonse munyika.
- Inkuta zyoonse zililyimvwilidi zibeleda biyo kazilangene Kkata lyamulawu, nkabela kulyimikilila kwa Nkuta kusumpula bulemu bwa mulawu a fulumende wa jandabanji
- Fulumende uyelede kukwabilila Nkuta.
- Babetsi boonse beelede kuzulwidwa amizeezo eeyi
 - kubeteka kweelene kubantu boonse
 - mbeta zyelede kumana kufwambaana
 - mulimu wa Nkuta mupati mukukwabilila zyelelo angwanguko kwabantu abulemu bwamulawu
- Babetsi boonse tabeelede pe kunjila muli zyakweendelezegwa kwanyika naakuti kuleezyo zikonzya kunyongania mabelekelo aabo kumulimu yabubetsi. Belede kuzumanana kumulimu wabo alimwi akuziba zipya zichitika mumabelekelo aabo.
- Inkuta Yazyamilawu (Constitutional Court) njiinkuta ilaajulu kuli zyabubetsi bulanga kkata lyamulawu.
- Inkuta Yakumamanino (Supreme Court) njiinkuta ilaamanguzu aayinda nkuta zyoonse munyika muZimbabwe nkinkaako njinkuta iyelede kulemekwa kwiinda nkuta zyoonse muZimbabwe, ado mulizimwi zyaambo zyeendelana azyaKkata Lyamulawu nkaambo eezi zyeendelezegwa aNkuta Yazyamilawu. Mbata zyankuta eeyi zyelede kulembwa akubambwa chiindi choonse.
- Inkuta Yaajulu (High Court) ninkuta mpati ayilayo ilangisisya milandu yakubisizyania kabiyo ilangisisya mabelekelo ankuta zimwi zilaansi kwayo. Mbata zyankuta eeyi zyelede kulembwa akubambwa chiindi choonse.
- Inkuta Yambelekelano (Labour Court) ilangene amajatilo aababetsi mumilimu yabo. Ilaamanguzu akweendelezya bulidilano aakati kababelekelwa ababetsi. Mbata zyankuta eeyi zyelede kulembwa akubambwa chiindi choonse. Inkuta Yanjendelezyo (Administrative Court) ilangene akweendelezegwa kwazintu munyika, ipedwe manguzu abweendelezi bwamusyobo ooyu. Mbata zyankuta eeyi zyelede kulembwa akubambwa chiindi choonse.
- Mulawu waPalyamenti ulaamanguzu akubamba mulawu upanga inkuta ya magisitireti, inkuta zilangene zyaba simwaami, naakuti imwi mitabi yakubeteka zyaambo.

Chibaka 2

Kusalwa antoomwe achiindi nchibakkala mumulimu Babetesi

- Kusalwa kwababetesi ba Nkuta, chiindi nchibakkala amulimu, kugwisigwa kwabo kulilembedwe muKkata lyamulawu.
- Kuti muntu asalwe kuba mubetesi weelede kuti kakonzya kubelekela mumulawu kwamyaaka musanu ayibili, myaaka kkumi kuti kayanda kubelekela Nkuta Yakumamanino, kkumi ayibili kuti kayanda kubelekela Nkuta Yazyamilawu.
- Babetesi basalwa munzila eeyi;
 - milimu yabuka ilalembwa antanganana;
 - kwitwa muzulwidi wanyika a luundu kuti lusale bantu bazosalwa kuba babetesi;
 - aabo banooli badomwa baambulwa aabo antanganana;
 - kwalembwa lugwalo lula mazina ababo banooli badomwa;
 - lugwalo oolu lwapegwa muzulwidi wanyika kuti asale batapegwe mulimu.
- Babetesi baNkuta Yazyamilawu basalwa kuti babeleke kwachiindi chaminyaka iisika kukkumi amusanu mpawo bagwisigwa. Babetesi baNkuta Yazyamilawu, Nkuta Yamamanino, Ankuta Yaajulu beelede kusiya mulimu kuti basisya minyaka ili makumi musanu aabili (70).
- Mubetesi ulakonzya kugwisigwa achuuno na;
 - wakachilwa kweendelezya milimu yakwe nkaambo kakuchiswa naakusondoka
 - katakonzyi mulimu kulantanganana
 - wasunda mulandu mupati.
- Mubetesi ulakonzya kugwisigwa mulimu nakabunga kapedwe mulimu oyu amuzulwidi wanyika kakali abantu batatu kalembela muzululi wa chisi.
- Muzululi wachisi uyelede kutobelezya zyambwaa kabunga aaka.

Chibaka 3

Nkamu yazyabubetesi

- Mutabi wababetsi uyendelegwa Nkamu Yazyabubetesi izulwidwa aMubetesi Mupati (*Chief Justice*).
- Aabo babelekela nkamu eyi balilembedwe mubulamfu mu Kkata lyamulawu ooyu.
- Milimu yankamu eeyi njeji;
 - kupa busongo kulifulumende atala makani a kweendelegwa kwa bubetesi.
 - kusumpula akweendelezya kulyiimikilila akubeleka kabotu kwababetsi.
 - kupanga tulawulawu twakweendelezya bubetesi
- Nkamu eeyi iyelede kweendelezya mulimu wayo kabotu mubululami akubalangala.

CHAANDANO 9

Inzila zyakweendelezya Luundu aBuzulu (194-198)

Eechi chibaka chizibisya mizeezo iyendelezya buzulu bwaluundu. Mizeezo eeyi njyendelezya fulumende woonse amitabi yakwe, mabbooma, makkampani afulumende abaabo babeleka mulifulumende amitabi eeyi.

1. Mpalamo aMizeezo mipati

Mukweendelezya luundu eezi zitobela zyelede kutobelezegwa choonse chiindi;

- mizeezo yajandabanji ilembedwe muKkata Lyamulawu;
- kuziba mulimu akubeleka mubululami;
- kubeleka chakufwambaana akutasowasowa lubono;
- kutayimina limwi bbazu akweelanisya;
- kufwambaana kumvwa majwi akutoongoka kwaluundu;
- bweendelezi bulaantanganana, bulyaamba alimwi bukomezya lusumpuko lwabantu;
- kuswilizya majwi aluundu mukweendelezya zyaaambo;

- kusumpula babelesi, kupanga nchito, kuyisya milimu, akusumpula babelesi bakonzya milimu alimwi bazwa kumasena asiy enesiyene pesi kabzi mulimu ooyo.
- kweelana kwabanakazi abaalumi akutasiya baabo bakalemana (194)

2. Makkampani a Fulumende

- Makkampani afulumende ayelede kubeleka munzila iyeta mpindu, akweendelezegwa kabotu
- Kweendelezegwa kwakujana zintu kweelede kakubalangala akusumpuka(195)

3. Bazuluzi ababo balekela luundu

Bazululi aboonse babelekela luundu babekela mpindu yaluundu. Kubeleka kwabo kweelede kutobelezya Kkata Lyamulawu. Beelede kulemeka bantu, kubabelekela, kuteensi kubabelesya.

4. Basilutwe ba Makkampani

Chiindi cheelede kubeleka basilutwe ba makkampani afulumende kweelede kweelwa a mulawu.

5. Kusimatizya kwamakanze akweendelezya kwaluundu

Kweelede kupangwa mulawu;

- uyanda kuti babelekela luundu bazibisye lubono ndubalaalo;
- uyendelezya mbelekelo akusubulwa kwabo;
- uyaka myeelwe yakweendelezegwa kabotu kwamakkampani afulumende ayimwi mitabi yakwe.

CHAANDANO 10

Babelesi baFulumende (Zibelela194-205)

1. Babelesi ba Fulumende

- Inkamu ya babelesi bafulumende ilabantu boonse babelekela fulumende
- Aabo babelekela mutabi waba silumamba, bakapokola, basintolongo, babetsi aba belekela Palyamenti tabeendelezegwi ankamu eeyi pe.
- Mukubeleka kwabo babelesi ba fulumende beelede;

- kutobezezya Kkata Ly amulawu
- kutatobezezya zitali mumulawu
- kusey ama ali limwi bbazu ly ambunga zy anyika
- kulemeka zyelelo angwanguko kwabantu boonse

➤ Babelesi bafulumende balabindwa kubweza zy uuno mumbunga zy anyika

2. Inkamu Yababelesi ba Fulumende

- Babelesi ba fulumende beendelezegwa aankamu yababelesi ba fulumende.
- Basikuzulwida nkamu eeyi beelede kuziba mulimu ooyu alimwi basalwa muzulwidi wanyika.
- Milimu yankamu eeyi ijatikizya kusala, kweendelezya, mabelekelo, mifolo, kusubulwa, kuyandulwa milandu akutongooka kwaba belesi bafulumende. Alimwi nkamu eeyi ilaya fulumende mumakani abweendelezi bwababelesi bafulumende.
- Mukubamba mifolo yabo babelesi bafulumende bazumizigwa kwaambuula afulumende kabala nkamu.

3. Bimikilila Fulumende Kulaamwi manyika

Aaba basalwa muzulwidi wanyika kabiyo nguwe ubaanda milimu

4. Balembi baFulumende

- Balembi ba fulumende basalwa muzululi wachisi nazwa kuzuwa aNkamu Yababelesi Bafulumende;
- Balembi baMitabi Yafulumende babeleka myaaka musanu ikonzya kuyungizigwa lumwi nakabachikonzya kubeleka akuziba mulimu wabo.

CHAANDANO 11

Basikukwabilila nyika (Zibeela206-210)

Chibaka 1

1. Bubumbwe bwamitabi yabakwabilila Nyika azyeelede kuchitwa

Basikukwabilila Nyika bajatikizya mitabi iitobela, Basilumamba, Bakapokola, Basikubamba Batyola Mulawu, Tuswiilizyabavwiya antoomwe ayimwi mitabi iinga izoopangwa kwiinda mumilawu yanyika.

Mitabi eeyi njiyo ilaamukuli wakukwabilila Nyika. Mulimu ooyu beelede kuuchita kabatobezezya zyaambidwe muKkata Lyamulawu wanyika kabalemeka zyelelo antoomwe angwangunuko zyaampandamunsaka zyabantu.

Beelede kubona kuti mulawu wanyika ulookutobelelwa.

2 Babelaka mukukwabililwa kwanyika

- Muchiindi nibachita mulimu wabo basikukwabilila Nyika beelede:
 - kutobezezya zyaambidwe muKkata Lyamulawu;
 - tabeelede pe kujata zyuuno mukweendelezegwa kwatubunga twazyanyika;
 - tabeelede pe kusendekela kuli kamwi kabunga kazanyanyika mukuchita mulimu wabo
 - balemeke zyelelo angwangunuko zyaandamunsaka zyabantu baZimbabwe.
- Tabeelede pe kubeleka mumilimu yabantu luzutu domane kakuli kwabajendengano.

3 Kkansili Yakukwabililwa Kwanyika

- Kunooli Kkansili Yakukwabililwa Kwanyika ilaamulimu wakubona tulawulawu twakweendezezya lukwabililo lwanyika.
- Bajanika muKkansili Yakukwabililwa Kwanyika mbaaba: Muzulwidi Wanyika, Batobeli Bamuzulwidi Wanyika abanwi bantu batanoowambidwe mumulawu.

4 Zitongawuko

Zitongawuko zilangene aabasikukwabilila nyika zinoolangwalangwa atumwi tubunga tutakwe chakuchita pe azyakukwabililwa kwanyika.

Chibaka 2

Basilumamba (Zibeela211-218)

1 Bulangike

- Basilumamba bajatikizya baabo balwana aantobolo aansi abalwanina kujulu andeke. Zimbi ntabi zyabasilumamba zilakonzya kupangwa kwiinda mumulawu. Basilumamba beelede kukwabilila nyika kabiyo beelede:
 - kababelekela nyika yoonse mbiizulwa;
 - kabayandisisya nyika yabo;
 - kabatobezezya ziyandwa amulimu wabo;
 - kabatasendekeli muli zy atubungatwanyika pe mukubeleka kwabo
 - kabalemeka buzulwidi bwasalwa aabana bunji;
 - kabalibingula akutobezezya mulawu.

2 Kutumwa kumulimu

- Muzulwidi Wanyika kali nguuDuundumuntule WabaSilumamba ulakonzya kutuma basilumamba kuti:
 - bakwabilile nyika;
 - bawumuzye lupyopyongano lwabawo munyika;
 - bagwasizye luundu muchiindi chajendengano;
 - bayinke aanze kwanyika kabalwanina akukwabilila eezyo ziyandwa aanyika yaZimbabwe naakuti kabakwabilila eezyo ziyandwa aamanyika manji.
- Kutumwa kwabasilumamba kweelede kwazumininwa aPalyamenti. Kutu Palyamenti teeyazizumina kweelede baboozegwa basilumamba ooko nkubanooli batumwa.

4 Bapati babasilumamba

- Bapati babasilumamba:
 - basalwa aaMuzulwidi Wanyika kachenjezegwa amupati wamutabi wafulumende uubona zyabasilumamba;
 - kweelede bakkala achuuno chabupati bwabasilumamba kwaminyaka musanu naakuti kkumi luzutu;
 - bazulwide mbuuli mbukweelede kazyeendelana aazyanda kuchitwa zizwa kuMupati wamutabi waFulumende azyazumininwa aMuzulwidi Wanyika.

5 Nkamu Yazyakukwabililwa Kwanyika

- Zyaambo abukkale bwabasilumamba zilangwalangwa aaNkamu Yazyakukwabililwa Kwanyika (*Defence Forces Service Commission*).
- Bantu bajanika muNkamu Yazyakukwabililwa Kwanyika kweelede kabali bantu beelede kubeleka muchibaka eechi kabiyo basalwa aaMuzulwidi Wanyika.

- Milimu yaNkamu eeyi ibikkikizya eeyi:
 - Kunjizya milimu akulangalanga nzibeelede kupegwa basilumamba;
 - Kutala mifolo yabasilumamba;
 - Kusungilizya lukamantano aakati kabilumamba aluundu;
 - Kuchenjezya fulumende aatala abukkale bwabilumamba.

Chibaka 3

Bakapokola (219-223)

1 Bakapokola

- Mulimu wabo ngwa:
 - kubamba mulawu, lumuno akukkalinkana mukati kenya;
 - kukwabilila bantu antoomwe alubono lwabo.
- Kweelede bakapokola:
 - kababelekela nyika yoonse mbiizulwa;
 - kabayandisisya nyika yabo;
 - kabatobezya ziyandwa amulimu wabo;
 - kabatasendekeli mulizyatubunga twanyika pe mukubeleka kwabo
 - kabalemeka buzulwidi bwasalwa aabana bunji;

2 Mupati Wabakapokola

- Mupati Wabakapokola:
 - usalwa aaMuzulwidi Wanyika katobezya nchenjezyo iizwa kuMupati waMutabi waFulumende uubona Zyabakapokola
 - ubeleka kwaminyaka musanu naakuti kkumi mpawo wasiya chuuno;
 - takonzyi kusalwa kuti akabe mupati wawumbi mutabi wazyakukwabililwa kwanyika;
 - kweelede azulwide mbuuli mbukweelede kazyeendelana aazyanda kuchitwa zizwa kuMupati wamutabi waFulumende azyazuminwa aMuzulwidi Wanyika.

3 Nkamu Yazyabakapokola

- Zyaambo abukkale bwabakapokola zinoolangwalangwa aaNkamu Yazyabakapokola (*Police Service Commission*).
- Bantu bajanika muNkamu Yazyabakapokola kweelede kabali bantu beelede kubeleka muchibaka eechi kabiyobasalwa aaMuzulwidi Wanyika.
- Milimu yaNkamu eeyi ibikkikizya eeyi:
 - Kunjizya milimu akulangalanga nzibeelede kujana bakapokola;

- Kutala mifolo yabakapokola;
- Kusungiliza lukamantano aakati kabakapokola aluundu;
- Kuchenjeziza fulumende aatala azyabakapokola.

Chibaka 4

Mutabi waTuswiilizyabavwiya (Zibeela224-226)

1 Mutabi waTuswiilizyabavwiya

- Mutabi waTuswiilizyabavwiya weelede kupangwa kakutobelezegwa mulawu naakuti kwiinda mukwaamba kwaMuzulwidi Wanyika naakuti kabunga kabapati bamitabi yafulumende.
- Tuswiilizyabavwiya kubota:
 - katubelekela nyika yoonse mbiizulwa;
 - katuyandisiza nyika yato;
 - katutobeleziza ziyandwa amulimu wato;
 - katutasendekeli muli zyabungwa twanyika pe mukubeleka kwabo
 - katulemeka buzulwidi bwasalwa aabana bunji;

Mupati waMutabi waTuswiilizyabavwiya

- Mupati waTuswiilizyabavwiya:
 - usalwa aaMuzulwidi Wanyika
 - ubeleka kwaminyaka musanu naakuti kkumi mpawo wasiya chuuno;
 - takonzyi kusalwa kuti akabe mupati wawumbi mutabi wazyakukwabililwa kwanyika;
 - kweelede azulwide mbuuli mbukweelede kazyeendelana aaziyanda kuchitwa zizwa kuMupati wamutabi waFulumende azyazumininwa aMuzulwidi Wanyika.

Chibaka 5

Mutabi waMajele aKuziyotolola Batyola Milawu (Zibeela227 -23)

1 Mutabi ooyu:

- Ulaamulimu wa:
 - kukwabilila luundu kuzwa kubantu basunda kwiinda mukubajalila mumajele antoomwe akubazyotolola;
 - kweendeleziza mayake aamajele antoomwe azibelesegwa kukuzyotolola bantu basunda.
- Babelesi baMutabi ooyu kubota:
 - kababelekela nyika yoonse mbiizulwa;

- kabayandisisyanyika yabo;
- kabatobeleya ziyandwa amulimu wabo;
- kabatasendekeli muli zy atubunga twanyika pe mukubeleka kwabo
- kabalemeka buzulwidi bwasalwa aabana bunji;

2 Mupati waMutabi waMajele aKuziyotolola Batyola Milawu

- Mupati waMutabi waMajele akuzyotolola batyola milawu:
 - usalwa aaMuzulwidi Wanyika;
 - ubeleka kwaminyaka musanu naakuti kkumi mpawo wasiya chuuno;
 - takonzyi kusalwa kuti akabe mupati wawumbi mutabi wazyakukwabililwa kwanyika;
 - kweelede azulwide mbuuli mbukweelede kazyeendelana aazyanda kuchitwa zizwa kuMupati wamutabi waFulumende azyazumininwa aMuzulwidi Wanyika.

3 Nkamu Yazyamajele akuzyotolola Batyola Milawu

- Zyaambo zyabaMutabi waMajele aKuziyotolola Batyola Milawu zinoolangwalangwa aaNkamu Yabo (*Prisons and Correctional Service Commission*).
- Bantu bajanika muNkamu Yamajele akuzyotolola batyolamilawu kweelede kabali bantu beelede kubeleka muchibaka eechi kabiyo basalwa aaMuzulwidi Wanyika.
- Milimu yaNkamu eeyi ibikkikizya eeyi:
 - Kunjizya milimu akulangalanga nzibeelede kujana babamba basikutyola milawu;
 - Kutala mifolo yababesi babamba batyola milawu;
 - Kusungilizya lukamantano aakati kababamba batyola milawu aluundu;
 - Kuchenjezya fulumende aatala azyakukwabililwa kwanyika

CHAANDANO 12

Inkamu Zilyiimwiliidi zisumpula jandabanji

Chibaka 1

Zyabiyobiyo (Zibeele232-237)

1 Bulangike bwaNkamu zilyiimikilide;

- Kuli Nkamu Zilyiimikilide zili musanu zitegwa:
 - Nkamu yaNsaluzyo muZimbabwe;
 - Nkamu yaZyeelelo Zyabantu muZimbabwe;
 - Nkamu yakweelanisigwa kwabanakazi abaalumi muZimbabwe;

- Nkamu yazy akumwaya milumbe muZimbabwe;
 - Nkamu yaZyaluumuno Akulekelelana.
- Inkamu eezi zinoobeleka kusumpula jandabanji kwiinda:
- mukusimatizya zyelelo zyabantu ajandabanji;
 - mukukwabilila kwaangunuka anzibayanda bantu bamuZimbabwe;
 - mukusungwaazy a kulemekwa kwazyamilawu;
 - mukusungwaazy a mabelekelo aabalangede mumitabi yafulumende;
 - mukubona kuti mitabi yafulumende ayitali yafulumende itobela ziyandwa aajandabanji;
 - mukubona kuti bantu bakabisigilwa bajana bululami.
- Inkamu eezi zinoo:
- beleka kazilyiimikilide kazitayoowi, akutafwida nsoni bamwi bantu antoomwe akutayoowa kukopenganwa;;
 - beleka muni lyaPalyamenti kuchitila kuti zibeke kabotu;
 - jana lugwasyo kuzwa kumitabi yafulumende yoonse nkukuti zijane kubeleka kazilyiimikilide.

2 Bajanika muNkamu eezi

- Bajanika muNkamu eezi basalwa aMuzulwidi waNyika pesi Palyamenti aluundu lunoogwasizya mukusalwa kwabantu aaba.
- Banoobeleka mane chikasike chiindi chakuti bazwe muNkamu eezi.
- Bajanika muNkamu eezi beelede:
- kubeleka kabatobelezya Kkata Lyamulawu;
 - kubeleka munzila iitasendekeli kulikamwi kabunga kazanyika;
 - kutalanga zyanyika mumabelekelo aabo;
 - kutatya zyelelo angwangunuko zyabantu zyampandamunsaka.

Chibaka 2

Nkamu yaNsaluuzyo (Zibeela 238-241)

1 Bajnika muNkamu yaNsaluuzyo

- Sichuuno wankamu, utanooli mubetesi mupati, naakuti wakali mubetesi mupati naakuti muntu uukonzya kuba mubetesi mupati, unoosalwa aMuzulwidi waNyika kajana nchenjezyo kuzwa kuNkamu Yabasimbeta (*Judicial Service Commission*) pesi Palyamenti aluundi lwanyika kabapa maboneno aabo abalabo mukusala.
- Bamwi bali musanu abatatu banoosalwa aMuzulwidi waNyika pesi Palyamenti aluundu lwanyika kabagwasizya abalabo mukusala.

- Kweelede kabali banaZimbabwe.
- Kweelede kabali bantu bazikitide kabalemekwa muluundu.
- Kweelede kabakkala kwaminyaka musanu awumwi pesi kiikonzya kuyungizigwa minyaka eeyi kuloosika kukkumi ayibili kababelekela Nkamu eeyi.

2 Milimu yaNkamu eeyi

- INkamu eeyi ilaamulimu wakweendelezya kuchitwa kwansaluuzyo zyaMuzulwidi Wanyika, zyakuzilikiti, azyamumabbooma, zyakusala Baami banjila muKkansili Yabaami Yanyika antoomwe amalefelendamu. Imbi milimu ibikkikizya;
 - Kulembwa kwamazina aabantu bayanda kusaluula munsaluuzyo;
 - Kubikka aamwi malembe aabantu banjila munsaluuzyo;
 - Kweenga migaanu yamasena aakuchita nsaluuzyo;
 - Kuyiisya bantu zy aatala ansaluuzyo;
 - Kutambula akusandula zitongawuko;
 - Kulemba aatala abweendelezegwe bwansaluuzyo zyoonse zichitwa munyika (Zibeela238-241)

Chibaka 3

Nkamu Yazyelelo Zyabantu (Zibeela242-244)

1 Bantu bajanika muNkamu Yazyelelo Zyabantu

- Sichuuno wankamu, utanooli mubetesi mupati, naakuti wakali mubetesi mupati naakuti muntu uukonzya kuba mubetesi mupati, unoosalwa aaMuzulwidi waNyika kajana nchenjezyo kuzwa kuNkamu Yabasimbeta (*Judicial Service Commission*) pesi Palyamenti aluundi lwanyika kabapa maboneno aabo abalabo mukusala.
- Bamwi bali musanu abatatu banoosalawa aaMuzulwidi waNyika pesi Palyamenti aluundu lwanyika kabapa maboneno aabo abalabo.
- Kweelede kabali bantu balemekwa muluundu.

2 Milimu yaNkamu eeyi

- Inkamu eeyi ilaamulimu ooyu:
 - Kusungwaazyabantu kuti bazibe kabiyoo balemekwe zyelelo zyabantu muluundu loonse;
 - Kulangisisya aatala akulekwa kwazyeelelo zyabantu munyika;
 - Kutambula zinyontooko azitongawuko mpawo akuzisandula akubambulula aawo aayeelede kubambululwa;
 - Kukwabilila luundu kuzwa kubantu amitabi yafulumende iitabelesyi kabotu manguzu aayo;
 - Kupokonona akufunkununa kutyolwa kwazyeelelo zyabantu;

- Kubona kuti batyolelwa zyelelo bawumbulizigwa;
- Kwaambila Mupati wabakapokola kuti apokonone milandu yabbutulwa aatala kutyolwa kwazyelelo zyantutu;
- Kuswayila akubona kuti majele awamwi masena aakubambila bantu batyola mulawu ali muchiimo chili biyeni;
- Kukumbila malembe kuzwa kuli nikuba uuli mutabi wafulumende naakuti muntu kuchitila kuti Nkamu eeyi ijane makani aakulemba malembe ngiyanda aatala azyeelelo zyantutu.
- Kupa malembe kuPalyamenti aatala amabelekelo aayo Nkamu eeyi.

Chibaka 4

Nkamu yakweelansigwa kwabaalumi abanakazi (Zibeela245-247)

1 Bajanika muNkamu eeyi

- Sichuuno waNkamu antoomwe abamwi bali musanu abata tu banoosalwa aaMuzulwidi waNyika pesi Palyamenti aluundu lwanika banoopan maboneno aabo abalabo.
- Kweelede kabali bantu bazikitide kabalemekwa muluundu kabiyi kabazimvwisisiya zyakweelansigwa kwabaalumi abanakazi.

2 Milimu yaNkamu eeyi

Milimu yaNkamu eeyi njeeyi:

- Kubona kuti zyakweelansigwa kwabanakazi abaalumi zilookujatwa biyeni munyika;
- Kupokonona akufunkununa kutyolwa kwakweelansigwa kwabaalumi abanakazi;
- Kusungwaazya bantu kuti bazibe kabiyi balemeke zyelelo zyantutu muluundu loonse;
- Kulangisisiya kuti zyelelo zyantutu zilookulemekwa na;
- Kutambula zinyontooko azitongawuko mpawo akuzisandula akubambulula aawo aayeleda kubambululwa;
- Kuchenjezwa luundu aatala azinga zilachitwa kuti kube kweelansigwa kuli kabotu kwabanakazi abaalumi;
- Kusungwaazya kusumpulwa kwabaabo bakadyaamizidwe chiindi antoomwe akutola kunkuta aabo batyola mulawu wakweelansiya kwabanakazi abaalumi;
- Kubona kuti batyolelwa zyelelo bawumbulizigwa;
- Kupa malembe kuPalyamenti aatala amabelekelo aayo Nkamu eeyi.

Chibaka 5

Nkamu Yazyakumwaya Milumbe (Zibeela248-250)

1 Bajanika muNkamu eeyi

- Sichuuno waNkamu antoomwe abamwi bali musanu abatatu banoosalwa aaMuzulwidi waNyika pesi Palyamenti aluundu lwanyika banoogwasizya abalabo kwiinda mukupa maboneno aabo.
- Kweelede kabali bantu balemekwa muluundu kabiyu kabazimvwisisiya zyelelo zyabantu antoomwe anzila zyakumwaya milumbe.

2 Milimu yaNkamu eeyi

Ibeleka milimu eeyi:

- Kusumpula kwaangunuka kwanzila zyakumwaya milumbe;
- Kusumpula nzila mbotu zyakubeleka akulijata kwabasikumwaya milumbe;
- Kulangisisya mamwayilo aamilumbe kakusungwaazigwa kuti ziyandwa aabanji mukusiyana kwazyo kazichitwa abasimumwaya twaambo
- Kusungwaazya kupangwa naakuti yoNkamu kiipanga mabelekelo aayeleda kutobelezegwa abasimumwaya twaambo; ababona kweelanisigwa kabaalumi abanakazi;
- Kutambula zitongawuko akutola ntaamo zyakugwasizya aabo banyontooka akutongawukila basimumwaya twaambo;
- Kubona kuti luundu lulookujana twaambo ntuluyanda akusungwaazya kusiyana kwanzila zyakumwaya milumbe;
- Kusungwaazya kubelesegwa kwamilaka iisiyenesiyene, iijanika munyika, mukumwaya milumbe.
- Kupa malembe kuPalyamenti aatala amabelekelo aayo Nkamu eeyi.

Chibaka 6

Nkamu yaZyaluumuno Akulekelana (Zibeela251-253)

1 Chiindi chiitazoobeke

- Inkamu eeyi izoobeke kwaminyaka kkumi kuzwa buinsi mbulitalika kubeleka Kkata Lyamulawu eeli.

2 Bajanika muNkamu yaZyaluumuno Akulekelana

- Sichuuno waNkamu, utanooli mubetesi mupati, naakuti wakali mubetesi mupati naakuti muntu uukonzya kuba mubetesi mupati, unoosalwa aaMuzulwidi waNyika kajana nchenjezyo kuzwa kuNkamu Yabasimbeta (*Judicial Service Commission*) pesi Palyamenti aluundi lwanyika kabagwasizya abalalo kupa maboneno aabo.
- Bamwi bali musanu abatatu banoosalwa aaMuzulwidi waNyika pesi Palyamenti aluundi lwanyika kabagwasizya abalabo kupa maboneno aabo.
- Kweelede kabali bantu bazikitide kabalemekwa muluundu kabajisi luzibo kuli zyakukombelezya, kuvuna bantu akumana mpyompyongano.

3 Milimu yankamu eeyi

- INkamu eeyi ibeleka:
 - Kubona kuti bantu bakabisigwa bawumbulizigwa nizyamana mpyompyongano nkukuti balekelelane;
 - Kutalika akusumpula mabambe aakusungilizya kulekelelana, kujatana, luumuno, akusungwaazya kwaambuzyania kwabantu bakatamvwanene.
 - Kusungwaazya kwaambwa kwakasimpe aatala azyakulwana zyakiinda kiili ninzila yakumana kutamvwanana;
 - Kutalisya mabambe aakugwasizya akusilika baabo bakabisigilwa mumpyompyongano;
 - Kutalika mabambe aakufwambaana kubbutula mpyompyongano ziyanda kuchitika mpawo akutola ntaamo zyakumana mpyompyongano eezyo;
 - Kumana mpyompyongano;
 - Kutambula butongawusi akutola ntaamo zyelede kukumana kutamvwanana;
 - Kupa malembe kuPalyamenti aatala amabelekelo aayo Nkamu eeyi.

CHAANDANO 13

Mitabi yakulwana aabulyabi amilandu

Chibaka 1

Nkamu Yakulwana aaBulyabi (Zibeela254-257)

1 Bajanika muNkamu Yakulwana aaBulyabi

- Sichuuno waNkamu antoomwe abamwi bali musanu abatatu banoosalwa aaMuzulwidi waNyika pesi Palyamenti aluundi lwanyika banoogwasizya abalabo mukupa maboneno aabo.
- Kweelede kabali bantu balemekwa muluundu kabiyo bazi zyakubetekwa kwamilandu.

- Kweelede kaba:
 - chita mulimu wabo kabalyiimvwilidi kakutakwe ngubayoowa, ngubafwida nsoni, awupulungania mabelekelo aabo.
 - langwa aPalyamenti mabelekelo aabo kuchitila kuti babeleke kabotu mbuuli mbukweelede;
 - jana lugwasizyo kuzwa kumitabi yoonse yafulumende ayitali yafulumende
- Beelede kukkala aazyuuno zyabo kusikila chiindi chabo chamana.

2 Milimu yaNkamu Yakulwana Bulyabi

- Milimu yaNkamu eeyi njeeyi:
 - Kupokonona akufunkununa milandu iyendelana aabulyabi mumitabi yafulumende naakuti iteensi yafulumende
 - Kulwana aabulyabi, bubbi, kubelesya manguzu munzila mbi, azimwi nzila zibelesegwa aabulyabi;
 - Kusungwaazyza bululami akusyomeka, mabelesezyo mabotu aamali munzila iibalangala;
 - Kutambula zitongawuko kuzwa kuluundu akubweedezya nsandulo;
 - kwaambila mupati wabakapokola kuti ayanduulisisye milandu yabulyabi mpawo aambile Nkamu eeyi nzyatanooli wajana.
 - Kupa malembe kuPalyamenti aatala amabelekelo aayo nkamu eeyi.
- Fulumende weelede kubona kuti Nkamu eeyi yapegwa manguzu aakutondeka bantu babisya beelede kwaangwa akubetekwa.

Chibaka 2

Mutabi wabasikusosela milandu aankuta (Zibelela258-263)

1 Mutabi ooyu;

Mutabi ooyu ulaamulimu wakusosela milandu aankuta nkaako uzulwidwa aaMupati waBasikusosela Milandu kunkuta weelede kuba mbuuli mubetesi wakuNkuta Yakumamanino.

CHAANDANO 14

Fulumende wazilikiti amabooma (Zibeela264-266)

1 Kupegwa manguzu kwafulumende wazilikiti amabooma

- Kupegwa nguzu kwafulumende wazilikiti amabooma zichitilwa kuti luundu lujanika mumasena aaya lugwasizye mukweendelezya masena aaya. Nkaako teenzila yakusungwaazy kutamvwanana pe naakuti kupanduka kwamasena kuti alyimikilile.
- Impalamo zyakupegwa kwamanguzu kwabafulumende bazilikiti amabooma nzeezi:
 - Kupa kuti bantu bajanika mumasena aaya bagwasizye mukweendelezya masena aaya amukuchita zimwi zizuminano zyalusumpuko antoomwe afulumende.
 - Kuziba kuti bantu bajanika mumasena aaya balacheelelo chakweendelezya zintu zyabo mbuuli mbubayanda;
 - kuchitila kuti kube kwaabana kweelene zitweengelede anzyaakatupa Leza kuti tubelesye tubantu kabiyo akupa kuti mabooma abelesye kabotu imali aawo muli zyalusumpuko.

2 Mbubelede kweendelezegwa bafulumende bamuzilikiti amumabooma

- Bafulumende bamabooma beelede:
 - Kubona kuti masena aaya alokweendelezegwa kabotu munzila zibalangala zisungwaazy kujatana kwabantu;
 - Kuchita milimu eeyo njibazuminidwe kuti bachite babelesye manguzu aabo mukuchita milimu iyelede kuchitwa mumasena aabo peepe kupampala bakachite zimwi ziteelede kuchitwa;
 - Kubelekela aamwi awamwi masena kwiinda mukwaabana maanu, luzibo akuchitilaamwi imwi milimu yalusumpuko kakutobelezegwa nzila zili mumulawu;
 - Kweelede babona kuti misyobo yabantu bajanika mumasena aayo ilajanika mukweendelezya milimu yamumasena eeyi.

3 Babelesi bamuzilikiti amabooma

- Babelesi bamuzilikiti amabooma beelede:
 - Kutobelezya zyambwa aKkata Lyamulawu eeli;
 - Kutajata zyuno mutubunga twazyanyika;
 - Kuchita milimu yabo kabatasendelekede kuli kamwi kabunga kazyanyika;
 - Kulemeka zyelele angwangunuko zyabantu zyaampandamunsaka.

Chibaka 2

Fulumende wamuzilikiti amumadolopo mapati (Zibeela267-273)

1 Zilikiti amabbooma

- Kunooli zilikiti zili kkumi kazili nzeezi;
 - Chilikiti cha Bulawayo Metropolitan;
 - Chilikiti cha Harare Metropolitan;
 - Chilikiti cha Manicaland;
 - Chilikiti chaMashonaland Central;
 - Chilikiti chaMashonaland East;
 - Chilikiti chaMashonaland West;
 - Chilikiti chaMasvingo;
 - Chilikiti chaMatabeleland North;
 - Chilikiti chaMatabeleland South; and
 - Chilikiti chaMidlands.
- Kupanduulwa kwamabbooma kuzoopandululwa kwiinda mumulawu.

2 Fulumende wazilikiti

- Ichilikiti chimwi achimwi chinoojisi iKkansili Yachilikiti itanooli aabantu aaba:
 - Boonse bantu bakasalwa kuti bakiiminine bantu kumaanda aamulawu bakkala muchilikiti eecho;
 - Boonse maMeya abasichuuno bamabbooma aajanika muchilikiti eecho;
 - Bantu balikkumi basalwa kwiinda munsaluuzyo zyabana bunji;
 - Sichuuno utanooli wasalwa aabantu baambidwe aajulu kuzwa kubantu batanooli baambwa aakabunga kazyanyika kajisi basikubumba milawu biingi muchilikiti eecho.

3 Fulumende waMumadolopo mapati

- Madolopo mapati woose anoojisi Kkansili Yamudolopo itanooli aabantu aaba:
 - Boonse bantu bakasalwa kuti bakiiminine bantu kumaanda aamulawu bakkala muchilikiti eecho;
 - Mameya abatobela antoomwe abasichuuno bamabbooma aajanika muchilikiti eecho;

- Mudolopo lyaBulawayo sichuuno aKkansili Yachilikiti unooli meya waBulawayo;
- Mudolopo lyaHarare, sichuuno waKkansili unooli Meya waDolopo lyaHarare mpawo mutobezezi kunooli wooyo Meya naakuti sichuuno wadolopo lijanika muchilikiti eecho.

4 Milimu yamaKkansili amumadolopo amuzilikiti

- Milimu yabo njeeyi:
 - Kusumpula zyabuvubi antoomwe abukkale bwabantu bamubusena oobo;
 - Kugoontania akubeleka mabambe aalumpuko aafulumedne wanyika;
 - Kweendelezya mabelesezyo azitweengelede zijanika mubusena oobo;
 - Kubona mabelesezyo azintu zijanika muchilikiti.
- Babelesi bamumakkansili banoonjizigwa milimu kakutobezezegwa mulawu.
- MaKkansili aaya ayelede kwaamba nzibachita kubantu bamuchilikiti antoomwe akulifulumende wanyika mbiizulwa.

5 Basichuuno bazilikiti amabbooma

- Kweelede kabakonzya kuba biiminini babantu kun'anda yamulawu.
- Sichuuno waKkansili Yachilikiti unoosalwa aaKkansili Yachilikiti kubantu balembedwe babili nakuti biinda babili bazwa kukabunga kazyanyika kajisi zyuuno zyiingi muchilikiti eecho naakuti kabunga kazyanyika kakajana mweelwe mupati nikwakachitwa nsaluuzyo zyakachitwa muchilikiti eecho.
- Sichuuno ulakonzya kugwisigwa aachuuno alubeta lulyiimikilide naawakachilwa kuchita mulimu wakwe mbuuli mbukweelede, naakuti kalimulyabi, naakuti wajanwa kalaamulandu ankuta mpati, naakuti wachita zimwi zintu zisampula loko.

Chibaka 3

Fulumende wamubbooma (Zibeela274-279)

1 Fulumende waMudolopo diini

- Fulumende wamudolopo maniini nguutanoobone kweendelezefwa kwamadolopo aayo.
- Fulumende ooyu unoojisi maKkansela bakasaluulwa abantu bakkala mumasena aayo kaazulwidwa aaMeya naakuti Sichuuno.
- Kuti Meya abe aamanguzu manji kumulimu wakwe kweelede wasalwa aabantu bakkala mubusena oobo.

2 Fulumende waMubbooma

- Unoobeleka kweendelezya busena oobo nkwabede bwamubbooma.
- Kusalwa kwamaKkansela, Sichuuno antoomwe azilangililwa kuli mbabo zyoonse zizoopandululwa amulawu.

3 Zijatajata boonse bafulumende balaansi

- Banoojisi manguzu aaku:
 - chita tulawulawu, miteto antoomwe awamwi mabambe atanoochite kuti kweendelezegwa kwamasena aaya kuube;
 - kwiitila mali zyeede kuliigwa kuchitila kuti kujanike mali yakubelesya kumilimu yaFulumende wabusena oobo.
- Nsaluuzyo zinoochitilwa aamwi ansaluuzyo zyanyika yoonse
- baMeya abaSichuuno, domane kabali bakasalwa kabali baMeya balaamanguzu manji, boonse basalwa buunsi nibaswaanana boonse bantu beelede kunjila muKkansili eeyo yachilikiti naakuti yabbooma.
- Bajanika muKkansili basweekelwa zyuuno zyabo munzila iiyelene abaabo bakuPlaymenti kabiyo balakonzya kugwisigwa azyuuno kwiinda mukabunga kalyiimvwilidi kuti kalangisisya mulandu wamuntu ikapati kuti wakachilwa kubeleka kabotu, wachita zyabulayabi, wajanika kaaalmulandu ankuta zyaajulu, naakuti watyola mulawu.

CHAANDANO 15

Baami amasibbuku (Zibeela280-287)

1 Kuzibikana

- Chaandano eechi chitondezya kuzibikana kwabaami abasimabbuku kwiinda mumulawu wachintu wesu. Bazulwidi aaba bajanika kwiinda mutunsiyansiya twesu kabali mbaami, basimabbuku.
- Mbazulwidi balyiimkilide aaba.

2 Baami abasimabbuku

- Beelede:
 - Kubeleka kabatobelesya mulawu ooyu;

- Kubeleka kabatasendekeli kuli kamwi kabunga kazyanyika;
 - Kubeleka kabatasendekeli kulizyanyika;
 - Kabatatyoli zyelelo angwangunuko zyabantu zyaampandamunsaka;
 - Kulemeka tunsiyansiya twabo pesi kakutobelelwa zili muKkata Lyamulawu ooyu;
 - Kujata bantu boonse bajanika mubusena bwabo bukozyenie.
- **Milimu yabo njeeyi:**
- Kusungwaazy a kuchitwa kwatunsiyansiya twabusena oobo antoomwe akubamba tunsiyansiya twabo, zyachiindi azimwi zijanika mubusena zikomezegwa abantu;
 - kusugwaazigwa kwakujatana kwampuli;
 - kusungwaazy a zyalusumpuko;
- kumana mpyompyongano zijanika aakati kabantu bakkala mubusena oobo
- Banjizigwa akugwisigwa azyuuno zyabo:
- aMuzulwidi Wanyika;
 - kakutobelelwa mulawu antoomwe atunsiyansiya tujanika mubusena oobo;
 - kwiinda kunchenjezyo yazwa kuKkansili Yabaami Yachilikiti antoomwe Mupati waMutabi WaFulumende uubona zyabaami abasibbuku;
 - kakutalangi zy atubunga twazyanyika.
- Mifolo yabo inootalwa amulawu kazili zyoonse zyazumininwa aMuzulwidi Wanyika.

3 **Kkansili Yabaami Banyika Mbiizulwa antoomwe aKkansili Yabaami Bamuchilikiti**

- **Kkansili Yabaami Banyika Mbiizulwa antoomwe aKkansili Yabaami Bamuchilikiti** anoosalwa kakutobelwa nzila itanozobikkwe mumulawu.
- Kusalwa kwaMuzulwidi awumutobela baKkansili Yabaamikunoochitwa aaNkamu Yazyanaluzyo. Banookkala muchuuno eechi kwaminyaka iilimusanu kiikonzya kuyungizigwa kuloosika kukkumi luzutu.
- Kusalwa kwabaami kuti banjile muKkansili Yabaami Banyika Mbiizulwa kunozochitwa kwiinda mumulawu pesi chilikiti chimwi achimwi cheelede kuba aabaami banjila muKkansili Yabaami Banyika Mbiizulwa.
- IKkansili zyabaaami zyakuzilikiti nzizyo zisala Baami banjila kubuSeneta.
- **Milimu yabo njeeyi:**
- Kusungwaazigwa akusumpula tunsiyansiya;
 - Kwiimikilila mizeezo yabaami akubalwaninina muzintu zisiyenesiyene;
 - Kupanga zyelede kutobelelwa abaami antoomwe akubona kuti bami balijata munzila zizuminenwe.

4 Kkomiti Yakulijata aBuntususu

IKkomiti Yakulijata aBuntususu kweelede izoobikkwe kwiinda mumulawu kuchitila kuti kiilangisisya buntususu anzila nzibaliyata aayo baami, kumana mpyompyongano zili aakati kabaami akulangisisya zitongawuko zyaambwa aatala abaami.

CHAANDANO 16

Nyika Yamyuunda (Zibeela288-297)

1 Mabambe aatala anyika yamyuunda

- Boonse banaZimbabwe, kakutalangwi chikanda, balaachelelo chakujana nyika yakulima, kwiiibesya, akuuzya naakupa umbi muntu.
- Kwaabwa kwanyika yakulima kweelede kwachitwa bweelene kakulangisisgwa kuti:
 - Nchiichimwi chazintu nzitwakajana kabiyo nzitutazoosiye mbuuli mbutwakisiilwa amasyanene;
 - Kuli kweelanisigwa kwabanakazi abalumi;
 - Busiyane bwaziyandwa aamisyobosyobo yabantu.
- Mabelesezyo aayo nyika yakulima kweelede kakusungwaazy kujanika kwachakulya munyika antoomwe akupangwa kwamilimu pesi katuyeeya kumwi kuti nyika eeyi tweelede kwiiibesya munzila iipa kuti mazyalane aachiza azooyijane.
- Cheelelo chakujana nyika yakulima tacheelede pe kuyanzoonyeegwa kumuntu.

2 Zyelelo zyabantu aatala anyika yakulima kwalino

- Ikuti nyika yakulima njyafulumende kwiinda mumabambe aakachitwa aakutola nyika yakulima zilizibikene kuti ziyakachitikana.
- Kubbadalilwa nyikayakulima yakatolwa afulumende muchiindi chakutolwa kwanyika yakulima afulumende kunoochitwa kubbadalwa kwanyika:
 - Yakatolwa kubana baZimbabwe;
 - Ayeeyo iikwabilidwe kuzizuminano zyabafulumende bobile bamanyika;
- Zyelelo zyabantu, kufumbwa mbuzibede, nzibakapegwa bantu aatala anyika yakulima yakatolwa afulumende muchiindi chakutola nyika yakulima zili zibikene.

3 Zyelelo ziyakubamba nyika

- Kweelede kuchitwa kuti aabo bapegwa nyika yakulima bayipegwa kwiinda mumulawu munzila iipa kuti zizibikane mumulawu kuti mbabo beni nyika eeyo kwiinda mumapepa.

- Fulumende ulaacheelelo chakugwisya nyika yakulima mumaanza aawumwi kayibikka mumaanza aawumbi.
- Chimwi luzutu chipanzi chanyika chinga chilanyeegwa muntu ampuli yakwe.
- Beni nyika balakonzya kupa ngubayanda nyika yakulima.

4 Nkamu Yazanyika Yakulima

- Bajanika muNkamu Yanyika Yakulima basalwa aMuzulwidi Wanyika
- Tkweeled bakkale muzyuuno eezi kusikila chiindi chabo chasika.
- Milimu yabo njeeyi:
 - Kubona kuti kwaabwa kwanyika yakulima kwachitwa munzila iibalangala ilaantanganana;
 - Kuchita mfukununo yamabelesezyo aanyika yakulima chiindi achiindi;
 - Kubona kuti taakwe muntu/mpuli yatola zipanzi zyanyika zyiingi kwiinda zeezyo zyaambidwe mumulawu;
 - Kupa nchenjezyo aatala ambukweeled kuchitwa bantu nibapegwa akunyeeegwa nyika zyakulima, busasa, azimwi zinga zilachitwa
 - Kuubya matolelo amapedo aabantu nyika yakulima.

CHAANDANO 17

Zyamali (Zibeela298-317)

1 Kubambwa akubelesegwa kwamali

- Mukweendelezya mali yabanji:
 - Kweeled zyachitwa munzila iibalangede kabiyo mali kweeled yabelesegwa munzila iyelede zigwasya bantu banji;
 - Mabelesezyo aamali ayelede kaaluleme kusumpula chisi;
 - Mukuli wakuliya matekisi(mali iiya kulifulumende iijatilwa bantu) kweeled kwaabanwa;
 - Mali yanyika yoonse kweeled yaabanwa bweelene aakati kabafulumende banyika mbiizulwa, bazilikiti abamabooma;
 - Mikuli ampindu yakubelesya zitweengelede kweeled yaabanwa aakati kamazyalane aasunu aajuunza;
 - Nzila zyakwaambuula atala ambuzyakabelesegwa mali kweeled kazilaantanganana;
 - Kucheneka kweeled kwachitwa munzila iibalangala kabiyo kakuchitilwa kusumpula chisi.

2 Mulimu waPalyamenti mumabelesezyo aamali

- Palyamenti kweelede yalangisisya mabelekelo aamali yachisi.
- Bwiingi bwamali yeelede kuchenekwa afulumende tiyelede pe kwiindwa kiitazizi pe Palyamenti.
- Palyamenti yeelede kukkala kiiwambilwa aatala azikwelete antoomwe ambiikonzya nyika kuliya zikwelete.

3 Kwaabanwa kwamali

- Kwaabanwa kwamali yanyika kweelede kweelana kuzilikiti zyoonse antoomwe akumabooma woose kakulangisisigwa zitobela:
 - Zintu nzy iikomeya nyika;
 - Mali iyelede kuya kukuliya zikwelete;
 - Zintu ziyanda kuchitwa afulumende wanyika mbiizulwa;
 - Bwiime bwazintu zigwasya mumasena aadyaamikizidwe
 - Kujana kwachimwi achimwi chilikiti abooma mali yakubelesya
 - Busiyane bwabuvubi bwazilikiti
- Mali yeelede kupegwa zilikiti tiyelede pe kuba aansu kwamusanu kuzwa mumwaanda munyaka amunyaka.

3 Nkomo Yamali Yanyika Yoonse

Zyoonse mali zibbadalwa kunyika zyelede kunjizigwa muNkomo Yamali Yanyika Yoonse adomane aawo mulawu mpuuwamba bumbi.

- Mali ikonzya kugwisigwa luzutu muNkomo Yamali Yanyika Yoonse kuti kiili yazuminanwa kuti igwisigwe kwiinda mumulawu.
- Malangililo afulumende aakubelesya akujana mali aalelede azuminanwa aaPalyamenti munyaka amunyaka;
- Mabambe aakukumbatizya malangililo alakonzya kuchitwa mpawo azuminanwa kuti kakuli mabambe aakachitidwe kutaanguna akalela naakuti mali yayandikana kubeleka kuchintu chakatabambidwe mali kuzwa kumatangunino.
- Kuli mpuzyeelede kugumina eezi ziyakugwisya mali kakutazuminenwe pe kabiyo mabambe aayo ayelede kuzuminanwa aatanooli achitwa.
- Kuzuminanwa kwakubelesya mali kulakonzya kuchitwa kwiinda mumulawu waPalyamenti kuti kakuyandwa kubelesigwa mali yakatabambidwe pe.

5 Mali yaluundu alubono lwabo

- Mali yaluundu alubono lwabo zyelede kukwabililwa antoomwe akubelesigwa kuzintu zyelede ziyakazuminanwa.
- Mali eeyi yeelede kukwabililwa kuzwa kukusweeka, kubelesigwa bubi, kupwanyika azimwi nzila zitali kabotu.

- Kweelede kwaba nzila zyaamba zyeelde zyachitwa kuti muntu watyola mulawu aatala akubeleseghwa kwamali yaluundu.

6 Bapokoola mabelesezyo aamali yafulumende

- Wofisi iibona kupokola mabelesezyo aamali yafulumende ililyiimikilide.
 - Sikupokola mabelesezyo aamali yafulumende ulaamilimu eeyi:
 - Kulangisisya mabelekelo aamali, malembe aalaatala azyamali yafulumende, antoomwe akujatwa kwayo mali yafulumende abaabo bayibelesya mumitabi yafulumende yoonse;
 - Kuchita bupokozi chiindi achiindi kumitabi yafulumende;
 - Kulungisya mabelekelo aabantu bafulumende mukubelesya mali yaluundu.
- Sikupokola Mabelesezyo aamali yafulumende usalwa aMuzulwidi waNyika kazumininwa aPalyamenti.
- Kweelede kali munaZimbabwe.
- Kweelede wabeleka muchuuno eechi kwaminyaka iili musanu awumwi naakuti kkumi ayibili.
- Mufolo wakwe weelede kwaambwa amulawu kazili zyazuminanwa aMuzulwidi waNyika.
- Kugwisigwa kwamuntu ooyu aMuzulwidi waNyika zichitikana kuti kabunga kalyiimikilide kasungwaazy a kuti kuchitwe boobo.
- Kunjizigwa kwakwe azimwi nzyeelede kujana nabeleka zichitwa aaNkamu itanozoobikkwe amulawu.

7 Kuula kwafulumende

- Kuula kwafulumende kunoolulamikwa aamulawu utanooolangene aazezyo.

8 Tubunga tubumbwa aamilawu

Mulawu weelede kuchita kuti mitabi yafulumende izulwidwa aabantu bankutwe mukubeleka kwabo nkaako minyaka yakubeleka kwabapati bamitabi eeyi iyelede kuti yagaanunwa kuchitila kuti kusungwaazigwe kubeleka changuzu kwabapati bamitabi eeyi.

9 Bbenki Lyanyika yaZimbabwe

- Bbenki lyanyika yaZimbabwe njy o yeelede kubona zyakweenzegwa amabelesezyo aamali muZimbabwe amusyobo wamali weelede kubeleseghwa munyika zyoonse eezi kwelede kazilimo mumulawu.

CHAANDANO 18

Zimwi zyadiyobiyo aziyungizyo

Chibaka 1

Zimwi zyadiyobiyo aziyungizyo (Zibeela318-323)

1 Inkamu zilyiimvwilidi

- Zyoonse nkamu zilyiimvwilidi:
Zipangidwe mumulawu;
 - Bantu babeleka kwachiindi chilamfu kabiyo Muzulwidi Wanyika mbatakonzyi kugwisa mpaayandila mbaaba bajanika muNkamu Zilyiimvwilidi, muNkamu Yabasilubeta, muNkamu Yakulwana aaBulyabi aNkamu Yazyanyika Yakulima bamwi biingi ulakonzya kubagwisa mpaayandila Muzulwidi waNyika;
 - baSichuuno ababatobela muzyuuno zyaNkamu zilyiimvwilidi kweelede kabadibingene baalumi abanakazi;
 - mifolo yabantu bajanika muNkamu zilyiimvwilidi inootalwa aamulawu kabiyo tiikonzyi kuboogwisa aansi muchiindi nibachijisi zyuuno zyabo;
 - Palyamenti kweelede yapa mali nyingi yakuti Nkamu Zilyiimvwilidi zibekele changuzu milimu iilibonia;
 - Kweelede Nkamu Zilyiimvwilidi kazyeeta malembe kuPalyamenti kukumana kwamunyak umwi awumwi aatondeziza mabelekelo aawo mumunyaka.

Chibaka 2

Zyadiyobiyo (Zibeela324-329)

1 Zyadiyobiyo

- Milimu iiwambidwe muKkata Lyamulawu yeelede kuchitwa muntu kalaabunkutwe.
- Nkamu zipangidwe mumulawu zyelede kupegwa mali nyingi kuchitwa kuti zikonzye kubleka achanguzu munzila iilibonia.
- Mulawu wachintu wamanyika woonse ubikkwa kuti ube chipanzi chamulawu wamuZimbabwe fumbwa kuuta dinkaani aKkata Lyamulawu eeli ayimwi milawu yanyika yesu.
- Zizuminana Zizuminanwa amayika aandeene nzyinga yazumina Nyika yaZimbabwe zilakonzya kuba mulawu wamunyika yesu kuti zyatambulwa aPalyamenti mpawo zyanjizigwa mutulawu-lawu twanyika tupangwa aPalyamenti. Kutambulwa kwazizuminano eezi kuchitwa aPalyamenti aanze kwazizuminano zilaatala azyamali azezyo ziyanda kusandula mulawu wamuZimbabwe.

- Zizuminano zibikkaamwi manyika aandeene kweelede zyatambulwa aPalyamenti nkukuti zilemekwe antoomwe akutobelwa aZimbabwe.
- Inkuta kweelede zyamwisisisya kabotu zyaambwa amilawu iinjilana amilawu yazizuminano zyamanyika aandeene.

2 Kubambululwa KwaKkata Lyumulawu

- Kuti kakuyandwa kubambululwa Kkata Lyumulawu kweelede Sichuuno waPalyamenti wapa chizibisyo chamazuba aalimakumi musanu awane aatala akuyanda kubambulula Kkata Lyumulawu.
- Iluundu kweelede lwatambwa kuti luzoowambe maboneno aalo, kwiinda mumiswaangano, aatala acheecho chibeela chaKkata Lyumulawu liyanda kubambululwa.
- Eezyo ziyanda kubambululwa kweelede zyazuminanwa aaBasikubumba Milawu biinda chisela chilaachintinka (*at least two thirds*) muliimwi ayimwi n'anda yumulawu.
- Kubambululwa kwazyandano zyzyelelo angwangunuko zyabantu zyaampandamunsaka antoomwe azyaatala azyanyika yakulima kweelede kwagomenwa aalefelendamu mukati kamyeezi iitatu Palyamenti kiili yazizuminana zyabambululwa. Eezyo zyabambululwa ziba mulawu luzutu kuti bantu bazitambula kulefelendamu.
- Kubambululwa kwachiindi nchakkala achuuno mubelesi tazibambululi chiindi chamuntu ooyo pe kakutanaba kubambululwa.
- Tubeela (6) a(7) twaChibeela 328 lyaKkata Lyumulawu tatweelede pe kubambululwa aamwi azimwi kabiyo tubeela ootu tatweelede pe kubikkwa kulefelendamu yabantu kuti katubambululwa.
- Kubambululwa kwaChibeela 328 chaKkata Lyumulawu kweelede kuzuminwa aabantu kwiinda kulefelendamu nikwiinda myeezi iitatu kazili zyzibisigwa. Kuti zitegwa zyzuminwa kweelede kwazumina Basikubumba Milawu biinda chisela chilaachitinka chabantu (*at least two thirds*) mu Palyamenti.

3 Kutalika kubeleka kwaKkata Layumulawu eeli

Ikkata lyumulawu eeli lizootalika kubeleka muZibeelezibili:

- Chibeela chakutaanguna: Buinsi bwakuzibisigwa kuti Kkata Lyumulawu eeli lyabeleka, zibeela zitobela zizoozwa zyatalika kubeleka mpawo-mpawo:
 - Chibeela chaambuula aatala akuchitwa kwansaluuzyo yakutaanguna kakutobelwa Kkata Lyumulawu eeli. Eezi zibeela zijatikizya zeezi:
 - Chaandano chilaatala ansaluuzyo;
 - Kusalwa kwMuzulwidi Wanyika (nikuba kuti muminyaka kkumi kuzwa buinsi nilyatalika kubeleka Kkata Lyumulawu Muzulwidi Wanyika

tanooyelede pe kusala bamutobela kuti banjile boonse munsaluuzyo) (Ifuka 14 lyabupanduluzi bwamabambe aatobelwa);

- Chaandano chilaatala aBasikubumba Milawu muPalyamenti antoomwe akwiitwa kwabo nizaamana nsaluuzyo.
- Chaandano chilaatala akweendelezegwa kwaluundu abuzuluzi;
- Chibeela chilaatala akulijata kwabasikukwabilila nyika;
- Chibeela chilaatala aNkamu Yansaluuzyo;
- Chaandano chilaatala azyeelelo angwangunuko zyaabantu zyaampandamunsaka;
- chibeela chilaatala aNkuta YazyaKkata Lyamulawu;
- Chibeela chilaatala abafulumende bakuzilikiti antoomwe abakubbooma.

Zibeela eezi zizoozwa zyatola busena bwazimwi zibeela ziliwo kale muKkata Lyamulawu liliwo lino.

- Chibeela chabili: Zibeela zyaKkata Lyamulawu zitanooli tazinabeleke zitaambidwe aajulu zizootalika kubeleka buunsi Muzulwidi Wanyika uutazoosalwe kwiinda muKkata Lyamulawu eeli nazzotalika kubeleka mpawo lyoonse Kkata Lyamulawu eeli linooli lyatalika kubelaka

Chibeela 329 chili mbuuli mbuchibalwa muMabambe aZyachukita aamusanu akamwi (*Sixth Schedule*).

Chibaka 3

Bupanduluzi (Zibeela330-345)

- Muchibaka eechi, mabala aabelekedede muKkata Lyamulawu alipandulwidwe muchibeela 322.
- Zimwi zipandulwidwe muchibaka eechi nzeezi:
- Zyaambwa aamabala aaya:
 - “kuchita kutobela nchenjezyo ya” zyaamba kuti ooyo uuyeledede kupepwa nchenjezyo weelede kwiitobelezya nchenjezyo njaapegwa.
 - Kuchita naamana kuvwiyavwiya aa...” zyaamba kuti ooyo uuyeledede kujana nchenjezyo kwiinda mukuvwiyavwiya weelede kuchita kavwiyevwiye pesi taangwi pe mukutobela nzyaawambilwa mukavwiyevwiye kabo.
 - Kusiya mulimu:
 - Muzulwidi Wanyika usiya mulimu kwiinda mukupa chizibisyo kuli Sichuuno waPalyamenti
 - Sichuuno waPalyamenti antoomwe aMuzulwidi waSenati abatobeli babo kweelede bapa chizibisyo kuMulembi Mupati waPalyamenti;

- Basikubumba Milawu MuPalyamenti, kweelede bapa chizibisyo kuli Sihuuno waPalyamenti naakuti Muzulwidi WaSeneti kaziya aakuti zilengene aani;
- Bajanika mutubunga tupangwa aamulawu kweelede bapa chizibisyo kuliwooyo unooli wakabasala
Kuzulila kwabantu kuti muswaangano uye nembo:
 - Kuti kwasika bantu biinda chisela chabantu bajanika mukabunga aakao kweelede muswaangano wachitwa;
 - Kuti umwi wabajainka muNkamu katawo takweelede pe kuti ziyakachizya kubeleka kwaNkamu antoomwe amiswaangano yaNkamu;
 - Kubawo kwabantu boosne muPalyamenti tazijatikizyi zyuuno zitakwe bantu pe.